

瑞金縣志卷九

武進張國英重修

人物志<sub>下</sub>

隱逸

小隱隱陵藪大隱隱朝市隱之爲義大矣哉顧讀北山移文有以陵藪而爲朝市者此中大有佳處不過仕宦之捷徑耳然而巢許洗耳于唐堯夷齊耻食乎周粟人苟介介亦各行其志也瑞邑自明迄今有五人焉簞瓢陋巷志潔行芳其古隱君子之流亞歟抑別有所託而然歟要其不爲皇甫希之之充隱則固可以志之

瑞金縣志

卷九 人物志

一

明

李潮邑廩生博學能文綽有賢聲萬歷十一年序當正貢辭不就杜門課讀足迹不入城市布衣蔬食晏如也知縣潘舜歷聞其賢欲就見之不可請于上旌之亦不謝

謝元璇邑廩生少穎異讀書過目不忘下筆如濤奔泉湧爲諸生卽棄去與同邑李榜相友善每勸之仕進輒笑而不應構樓水濱聚古今圖史吟咏以白樂著有望江樓集胡來向手度遠穆生平厭絕聲華獨持清操好學深思朝夕不倦雖居城郭如在山林人罕有見其面者

曾士先不喜榮進惟耽山林退居沿壩躬耕自給暇卽讀書

足跡不到城市者數十年

國朝

謝山字遠宜名家子也善詩能文少試于有司不售輒棄去  
放懷山水遊屐所至幾半天下未嘗一見當事所交盡山  
人墨客方外高人晚歸築室山中足不履戶外者幾二十  
年年八十五卒著有灌木園詩文集

劉用恭字兼四明季諸生聞李闖犯闕烈皇帝死社稷卽取  
衣冠焚之向北哭拜誓爲農夫歿世及

本朝定鼎人勸之應試辭曰上有堯舜下有巢許願與太平草  
木同沾雨露足矣徙居七堡山莊絕跡不入城市者數十

瑞金縣志

卷九

隱逸

二

年著有詩文彙函

新增無

耆壽

三王養老皆引年典至重也漢明帝以李躬爲三老桓榮爲五更自起迎至門屏交禮不臣祖割饋□養以二千石祿終厥身亦何優且渥與我

朝

列聖相承禮隆敬老凡壽民七十以上者悉予冠帶兼

賜肉帛皓齒龐睂胥登

仁壽之域是率天下而興孝也瑞邑舊志者壽僅四人今且數十人焉於戲盛矣

楊枝首字德熙爲人誠樸雍正十年年八十六

瑞金縣志

卷九

耆壽

一

恩給八品頂帶

楊枝吳字德韶慷慨負氣節重然諾邑中諸大營建多方勸募襄事勤勞曾拾方文龍遺金而還之雍正十年年八十二與胞兄枝首同給冠帶八十九卒

蕭顯爵字聖錫劉芳蕙字友荃鍾芳寅楊德修俱于雍正十年以年八十以上清白無過給八品頂帶

林殿英龍巖籍瑞金人年一百零二歲

蔣志所增

楊方菱年九十二乾隆壬午年

聖駕南巡

恩賞銀牌

劉元香年九十六五世同堂乾隆四十九年知縣劉申詳

恩賜黃耆繁衍扁額其子良洲年八十八亦親見五世同堂嘉

慶十三年署縣周申詳

恩賜眉壽延慶扁額九十三歲卒

鍾啓伊年百有二歲嘉慶二十三年知縣蔣申詳建坊

恩賜昇平人瑞扁額

邱可質字旭采年九十五歲親見五世同堂

謝衍柏字雨青年九十三歲妻張氏年九十四歲親見五世

同堂

瑞金縣志

卷九 耆壽

二

鄒學信字成五年一百一歲前縣劉給年符國瑞扁額

謝重旭字日旦年八十二歲妻許氏年八十三歲親見五世

同堂

陳文緒現年九十一歲五世同堂前縣惲給春圃秋潭扁額

吳上起字崇軒年九十七歲親見六代學博黃澹圃贈以輓

聯云生前連閨三萬六千零日階下服喪一百七十餘丁

尤爲罕覯

黎象輝桃陽隘人壽至一百有四歲詳義行

乾隆四十五年邀

恩老民

吳有挺

黃則甯

鄒學儀

黃日煌

賴衍孫

黃定奕

黃魁全

黃奕華

劉家芳

楊殊經

王定志

十一名七十以上

鍾朝禮

曾應挺

朱慕雅

聶采士

詹文浴

劉齡遐

劉羣贍

七名八十以上

瑞金縣志

卷九

耆壽

三

楊友笏

九十以上

嘉慶元年邀

恩老民

楊將連

楊壽生

胡敬舜

謝蘊三

鍾泰珺

楊啓泰

楊于綜

劉啓敍

謝仁周

賴起蔚

謝開彩

楊慕彩

謝紹義

劉良洲

楊長玉

楊昌握

謝開宏

劉憲講

楊昌汾

朱永秀

鄧長遙

劉慕庵

蕭大信

鍾祚先

楊其達

二十五名七十以上

鄧長發

八十以上

嘉慶十四年邀

恩老民

楊于麟

賴顯謀

瑞金縣志

卷九

耆壽

四

胡文標

楊方定

楊方華

楊其龍

楊于瀧

七名七十以上

楊方清

危瑞明

楊于華

鍾其瑜

楊時應

謝柏惠

楊方順

曾繼焯

賴光茂

謝蘊三

楊于綜

十一名八十以上

嘉慶二十四年邀

恩老民

毛其翼

曾兆治

羅鴻漸

楊會侶

曾長嘯

曾兆澣

曾兆迴

楊其球

八名七十以上

楊其龍

八十以上

謝蘊三

九十以上

按乾隆二十五年三十五年五十年五十五年四屆邀

恩老民縣州卷已霉爛無存無憑查載

道光元年造報老民尙未準奉行知姑就縣中詳報者開列

瑞金縣志

卷九

耆壽

五

於後

郭祚珍

鄒一鼎

邱開熊

楊沐林

郭信瓊

賴晉洲

楊其楨

顏啓奏

賴定璦

賴昌潼

楊其漢

謝仁奏

劉多瑚

楊元耀

王祥瑤

朱敏誥

劉起祿

陳祥槿

謝先盛

鄒明鋒

程永芙

賴顯警

謝柏亮

楊履泰

楊于佐

楊昌瓊

毛其翼

袁述仟

蘇大璉

劉忠暉

楊會侶

羅宏瀉

羅席輝

楊元凰

鄒明漢

劉榮慣

朱永侶

楊天瑞

瑞金縣志

卷九

耆壽

六

沈自申

鍾書從

劉盛接

四十一名七十以上

楊于慥

謝甲椿

顏鍾華

鄒賡颺

鍾簡臣

鍾素山

劉榮廳

楊方佐

劉世熙

楊顯倫

楊其龍

李步先

劉榮慶

十三名八十以上

鍾啓昱

賴檉悉

二名九十以上



新增

江有沼字雲亮監生七十九歲妻駱氏八十一歲時五世同堂道光十年縣令董給五葉衍祥匾額並申詳各憲奉

恩賜遐齡縣隄匾額併賜肉帛銀牌二十兩道光十二年督學

程獎給上壽軒祥匾字沼壽至八十八歲駱至九十五歲

鍾采瑞夫婦同庚年八十二親見五世同堂學師廖駒龍贈以匾賴後夫婦俱登耄壽

鍾遙財現年九十

楊于時字懋堂壽九十一妻賴氏夫婦諧老

陳承倍爲人厚樸享壽九十八

瑞金縣志

卷九 耆壽

七

胡昌鳳九十歲

劉兆昌九十二歲

詹文清九十一歲

呂家祥九十五歲

袁博文監生八十七歲親見五代

楊方佐字傲先監生九十一歲質樸循禮命兒孫讀書皆成名五世同堂

賴穀監生年八十三歲妻謝氏年與夫同五世同堂兒孫皆守禮教道光二十八年上邀

恩賜眉壽延慶匾額夫婦皆八十五歲卒

房應宿年九十八歲

楊其琇從九品現年九十歲

鍾敷城字彩瑞年九十歲妻張氏年九十二親見五世

楊敬禮字淑行副貢道崙之曾祖也年八十九妻陳氏夫婦

同庚壽至九十四

劉秀林現年九十五歲樸厚端謹五世同堂

周才明現年九十歲

劉大祿年八十五歲

楊其慎字旣修年九十歲

楊元森字立汀舉人會庠之父年八十五歲

瑞金縣志

卷九

耆壽

八

周才雅現年八十一歲

女壽

朱氏賴學遂妻一百有二歲乾隆十八年建枋

旌表

楊氏吳日達妻乾隆十八年壽一百零一歲

廖氏李宏璧妻年一百有二歲五世同堂嘉慶十一年建枋

旌表

廖氏鍾卞嘉妻年九十二歲五世同堂

劉氏鍾遇京妻現年九十九歲

新增

瑞金縣志

卷九 女壽

九

鍾氏生員楊于昭之妻九十二歲

曾氏邑庠生危肇祥之妻年九十八歲

賴氏監生楊于時之妻年八十八歲

黃氏劉大祿之妻年九十三歲

賴氏監生楊元瑜之妻年九十歲

節婦

婦人之義從一而終則節尙矣君子讀柏舟之詩未嘗不嘆共姜之自誓而憐其志也至如黃鵠興歌泣數行下登懷清之臺而鉛華悉屏晨炊雞黍汲汲養親夜課熊丸煢煢教子此所謂從容就義自古爲難者若夫女貞之木占不字于十年以及截髮斷指毀耳割鼻而終畢命于靡笄其審于義與激于義無二理也士之爲人臣而懷二心者其亦可以愧矣瑞自明迄今且數百人視他邑爲多毋亦當年女誠猶有存焉者歟故彙而錄之而以貞女烈婦并志焉

瑞金縣志

卷九 節婦

十

明

賴氏名四姑鍾宗禮妻年十八于歸二月而宗禮從戍亡氏自縊以從家人覺而救之遂矢志堅守爲夫立後年七十五卒

楊氏名作娘郭元欽妻年十七而寡誓不再醮遺腹生子郭璋撫教成立孀居五十餘年年七十三卒正德中奏聞旌表

張氏湯德淵妻德淵卒張年二十四育孤汝文長娶婦鍾氏生子一而汝文亦夭姑婦協志撫孤始終不二人稱雙節胡氏名貴娘李聰妻胡伯儉女歸四載而聰卒遺腹生子振

祥時氏年二十二撫孤治生不遺餘力壽九十而終贛志

楊氏名敦姑監生劉冕妻隨冕入京回至中途而冕卒氏年

二十五遺孤在途日久資罄典衣買棺艱苦萬狀後家道

日索氏守志不二年七十二卒贛志

朱氏名靜貞危萬霽妻萬霽卒氏年二十四誓不改嫁撫男

騰昱未幾亦亡復撫幼孫孫又繼亡貧無所依托終不改

節年七十餘卒贛志

曾氏名五貞楊萬璞妻璞卒曾年二十五家貧父母憐之謀

奪其志曾曰如相逼我惟一死耳遂潛入房自縊家人奔

救之自是不敢再強育孤春雷及長而亡撫孫可遠僅得

瑞金縣志 卷九 節婦

十一

成立艱苦三世人弗能堪曾辟績度日初心益勵年九十

六曾孫以傑中鄉試猶及見焉萬歷中建坊旌表扁曰貞

壽西江志

劉氏名淑貞謝惟節妻節卒氏年二十家貧餽粥弗給外氏

有謀奪其志者氏聞之以死自矢乃懼而退遺孤春景親

自督課竟得成立及見五世孫年九十卒贛志

周氏名延貞楊萬山妻山卒周年二十一撫孤春漢幼而多

疾百計調護以存宗祀值歲饑家貧父族謀奪其志周正

色以拒之卒年五十四贛志

朱氏名貴蘭生員鍾華璉妻年二十六璉卒氏矢志不二孤

長至僅一週辟績撫育竭力事姑甘脆之養雖貧不廢姑  
歿喪葬盡禮年八十終

鄧氏名英娘湯世奇妻年二十五而夫卒氏哀慟欲絕既葬  
閉門白守足不踰闕有勸之改適者氏厲色以拒辟績度  
日至老不變萬歷間旌表 西江志

謝氏名藤姑鍾華葵妻葵卒氏年二十遺孤僅五月父母微  
勸他適遂絕不歸甯奉事翁姑備極孝養撫育遺孤卒有  
成立年屆七十知縣申詳道院給粟帛旌之曰勁節 贛州府志

蘇氏名愛姑生員楊正懋妻年十八歸于楊二十而夫逝哀  
毀失明矢志堅守老姑賴以終養撫遺孤成立年已七旬

瑞金縣志

卷九 節婦

十二

隣人未嘗聞其聲萬歷間奏聞旌表 西江志

楊氏名素貞朱廷貴妻年二十五而廷貴死時孤統教方七  
歲家故貧而矢志不二育其子至十六而娶婦劉氏名會  
貞生子三歲統教又亡劉年僅二十觸棺求死楊泣曰我  
之所以不死者爲爾夫也爾夫不祿三歲之孫將誰依乎  
劉氏強起姑媳煢煢日以紉績給饘粥楊逾八十而終而  
劉亦六十矣知縣潘舜歷爲之申詳給扁表其門曰雙節

贛州府志

李氏名未娘湯明昇妻年二十二明昇死遺孤六月姑年七  
十氏矢志守節力紡績以養姑朝夕辛勤無間寒暑姑終

殯葬如禮子亦克成年六十四卒府志

許氏名金娘劉恩治妻年十八而治死遺孤僅三月外家微

諷再適氏斷一指以示志竭力孝養翁姑得終其天年守

節七十餘年卒府志

劉氏名雪英楊秉淳妻年十八歸於楊勤修婦職年二十三

秉淳病革執手與訣劉誓以身殉及秉淳卒劉自經者再

皆爲家人救蘇遂撫姪再慶爲嗣教養成立守節四十餘

年而歿府志

劉氏名玉秀姑楊可美妻年二十五而可美死翁姑在堂遺

子一氏矢志自守資紡績以終養孤子亦藉成立孀居五

瑞金縣志 卷九 節婦

十三

十餘年年七十九卒知縣潘舜歷申詳給扁旌之府志

袁氏諸生鍾震鷗妻世居承鄉清溪鼎革之交流賊蹂躪村

莊震鷗絜家避亂銅鉢山震鷗死於疫袁年二十三遺孤

吉旆甫五齡氏徒跣扶夫柩歸葬畢復奔匿山中比吉旆

長娶楊氏生一子宏備而吉旆復早世楊年二十矢志共

守楊年六十三先卒袁年八十五宏備善讀書有文名府志

府志

張氏朱錦妻年二十四夫死子韶方五歲矢志柏舟朝夕教

育後子仕爲郎官廉能有聲卒年七十府志

謝氏朱章妻夫喪氏年止二十一矢志不移撫孤儒宗教育

有方晚歲備歷艱辛絕無悔恨竟以壽終 舊志

謝氏生員朱邦卿妻年二十四夫死僅生一女無子甘貧守

節卒年六十 府贛志

鍾氏生員楊永權妻年二十二永權卒翁姑既老遺孤三齡

立志彌堅家貧辟績縫紉以供甘旨啜粥茹素以養孤子

卒年七十三 府贛志

許氏生員朱儒紘妻年二十四夫亡乏嗣有三女誓志堅守

年六十餘卒 府贛志

曾氏名新鑒儒士梁思衢妻年十九夫死子宗正生始百日

矢志撫孤克有成立卒年七十三知縣梁宏建扁旌其門

瑞金縣志 卷九 節婦

十四

國朝

湯氏楊春啓妻年二十歲而夫亡遺腹生子一父母勸諭再

醮氏剪髮毀容以矢不二壽八十二終

鍾氏謝成元妻元卒氏年二十三姑亦孀居事之至謹撫孤

有方卒年六十餘

鍾氏全姑生員楊覺妻年二十五而夫死時遭兵燹家貧如

洗氏堅貞自矢守節五十餘年卒年八十 府贛志

鄒氏楊兆岑妻年十七而岑死家貧績紡度日撫遺腹子枝

生長成艱苦備嘗閭里推之 府贛志

朱氏生員楊自忠妻年二十五忠死家甚貧辟績養姑足跡



不踰閨闕至老如一日府贛州志

劉氏鍾大乾妻年二十四夫喪姑老多病調侍不懈子幼家貧外戚勸其再醮氏正言拒之聞者感嘆

趙氏吳宇直妻年及笄歸宇直宇直經商外郡死於道氏年二十矢志撫孤成立當道屢加旌表府贛州志

胡氏謝邦驪妻廩生謝適之次媳也邦驪早卒遺孤一氏年二十誓不再醮撫孤十餘年孤復夭歿氏閉戶堅守足跡不踰閨闕卽比戶隣居慶弔亦不與年七十餘卒

鍾氏名蓮姑謝郊顯妻年二十而郊顯卒氏立志撫遺孤孝養翁姑得其歡心翁姑歿殯葬以禮子亦有成知縣田俞

瑞金縣志 卷九 節婦

十五

旌其門曰德並周姜卒年九十九府贛州志

危氏劉嘉元妻年十八當丙戌之亂避匿石灰砦流賊攻砦急嘉元病不能起氏舉子甫兩月嘉元謂氏曰旦夕砦且破急抱兒同吾母逃死危曰誓與君同嘗賊刃耳嘉元指母若子曰吾萬無生理死病與死賊一也汝卽死此垂白者孰養呱呱者孰撫是汝一死而殺吾母斬吾祀也俄而砦破乃同姑倉忙匿深巖亂草中得免越三日賊退走視夫竟遇害吮頸血以頭撞石氣絕復蘇姑持之曰汝忘夫之言乎始銜痛謀葬其夫自是茹荼飲檠鞠育幼男姑及舅氏憐其年少欲令改適嘗以微詞諷輒泣曰吾欠一死

以報吾夫今以爲恨奈何以不入耳之言來相告語耶竟不能奪其志年七十五卒子芳宿邑庠生贛州府志  
朱氏范德捷妻年十九捷死遺一孤甫三齡誓志堅守爨無宿煙血指饜糠歷四十一年卒

危氏生員管鳳翹繼室年十六歸管事姑孝鳳翹嗜學好客且喜周人之急危多攸助之鳳翹卒氏年二十三守志撫己子及元配子俱成立卒年六十五贛州府志

周氏名珍珠朱餽爵妻餽爵游學於虔客死周年十九無子聞夫變哭不絕聲翁姑憐其少且無嗣諷令改適輒自經救之乃甦獨居一樓數十年人不見其面以壽終

瑞金縣志

卷九 節婦

十六

尹氏周文衍妻年二十一而寡撫姪爲嗣爲之婚娶未幾子媳俱死坐卧一小棲雖親憐罕見其面先是夫死其舅以田三十畝授尹氏故尹氏稍足自給後夫弟二人生計蕭索勸令服賈盡賣田佐之數年均折閱而二人亦夭死氏日以紉績給饘粥凍餒至老終無怨言

蕭氏謝其蕙妻其蕙蚤夭氏年二十矢志孀居家貧以紡績自給撫育幼子四十五載姑卒

陳氏胡奉徵妻年十九而奉徵死舉三子長季皆天惟仲子朝宰存氏立志撫之姑及庶姑三人氏曲意承順並得其歡心其歿也竭力殯葬以禮後以壽終

楊氏諸生賴聖學妻年二十一而聖學病革生子甫八月聖學顧謂氏曰吾死汝年少善事後人念遺孤則攜俱往氏泣曰賴氏之子謂他人父賤辱至矣吾不爲也聖學既歿養姑哺雛備極勞瘁歷數十年如一日乾隆五年建坊

旌表

胡氏名已姑鄒應湖妻舉子尙忠年二十五應湖病篤顛天願以身代應湖死矢志撫孤有成爲娶婦及舉孫而尙忠歿姑媳孀居益自刻厲支撐門戶復爲其孫畢婚卒年九十一

鍾氏楊士皋妻年十六歸楊二十三而士皋死無嗣姑憐之

瑞金縣志

卷九 節婦

十七

諷令改適氏不從乃繼姪爲嗣愛踰己出自是絕跡闔外四十餘年宗黨欽之

楊氏儒士鄧獻拱妻孝廉楊以旦長女也年十八歸獻拱舉一子歲丙戌大兵由汀徇瑞金隨夫避於陳石砦砦破獻拱中流矢死兵退氏攜子歸依父母時年二十四未幾子天終不改志壽八十八終

劉氏范安瀾妻年二十五夫歿矢志守節撫孤成立備嘗荼苦以壽終

鍾氏名珍珠姑楊榮登妻年十七適榮登家故貧鍾安之事舅姑以孝聞年十九而寡一男尙在襁褓誓不改適迨孤

成人爲之畢婚舅姑歿殯葬以禮鄉里稱之

李氏王枝蘭妻年二十二而枝蘭死遺二孤俱在襁褓家貧不能自存父母諭之再適立誓不從姑老善病氏侍藥餌久無倦色孀守四十一年年六十二卒

胡氏名石英劉善玫妻事翁姑甚孝生子二年二十五而寡孤幼弱族中豪強者屢噬之胡忍死撫孤皆成立

賴氏楊希聘妻年二十三而寡家徒壁立矢志撫孤辟績以佐衣食苦節四十七年鄉里賢之

鄧氏劉完秉妻年十九而完秉死舉子甫二十日守志撫孤至老足不出中庭知縣吳可敷旌之

瑞金縣志

卷九 節婦

十八

袁氏名完姑楊永釗妻夫早喪孀居子幼小家貧徹骨姑死翁垂老患病輾轉牀第氏朝夕視問飲食扶持十餘年翁壽八十方終一子瓊雖奇愛而教之以嚴後爲庠生

袁氏生員鍾才旦妻夫死事姑極孝姑老益服勤無懈撫孤捷鳴繫籍諸生未幾捷鳴又歿撫孫秉瀄秉沛克紹書香後以壽終

朱氏賴時蓮妻年二十夫亡無子僅遺一女氏堅貞自矢撫立從子聖偲爲嗣愛之恩逾己出聖偲長延名師教之朝夕督課不少寬假聖偲亦善承母志苦志力學色養愉愉家庭內外從無間言守節四十餘年雍正五年建坊

旌表越五年始卒年七十後以孫定瑤貴封孺人

鍾氏生員楊兆嶠妻年二十二兆嶠死家貧子枝諭甫四齡氏與祖姑周煢煢相依周年八十每痛家門之不幸氏曲爲慰藉越四歲周亦亡兆嶠之死也其父母兩喪皆未葬氏計貲無所措惟日夕紡績藉所得值以爲卜兆安厝資久之傾贏約積十餘金四喪克舉其年冰結庭瓦悉成山水松竹之文咸謂精神所感也雍正五年建坊

旌表年六十九卒

賴氏生員李聲妻年二十四聲死事姑撫孤仰給紡紵姑因哭子失明氏力調治且朝夕禱籲數月復明孤亦成立歿瑞金縣志 卷九 節婦 十九 年八十五雍正五年建坊

旌表

張氏鄧先楫妻年十五歸先楫善事舅姑踰十年舅姑歿先楫膺疾且劇氏念夫四世單傳不可死徒跣哀禱情甚迫切卒不效氏食貧以撫三子旣皆成立雍正五年建坊

旌表

楊氏劉芳忠妻年十八歸芳忠方九月而芳忠死欲自刎以殉舅姑諭止之乃矢志堅守孝養翁姑久之乃立嗣子二人躬自教督俱克成立列名庠序雍正八年建坊

旌表今現年七十八

鄧氏陳尙忠妻幼歸尙忠事繼姑以孝聞年十九尙忠死子甫半齡氏以首觸棺及投繯皆不獲死一姑一子煢煢相依茹荼飲檠凡六十年乾隆元年建坊

旌表壽七十九卒

陳氏劉浩然妻年二十二浩然病篤以股爇香祈以身代浩然死首觸階石頭骨爲碎時二孤俱在襁褓而翁姑皆邁曰婦若不念二孤則呱呱者誰恃一家俱斃耳氏乃忍死視孤而翁姑亦資孝養壽俱九十初比隣不戒于火姑登樓倉卒被跌折楊左足起臥皆氏背負二十年如一日後氏亦八十餘終乾隆元年建坊

瑞金縣志

卷九 節婦

二十

旌表

袁氏楊以佻妻年十八歸楊孝事翁姑三載以佻卒遺孤僅一齡歲餘殤撫姪兆的爲嗣又歿氏自痛爲宇宙不祥之人致夫斬嗣何生爲是夜家人覺氏臥室聲息頗異毀門入縊死矣力救乃甦自以佻亡死喪踵至家無餘貲甘之若飴年八十餘卒乾隆二年建坊

旌表

劉氏鄒學律妻歸鄒二年而舅歿祖姑胡病篤老姑多病不能奉事氏代姑供職孝養兩世年二十六夫亡遺孤二俱幼氏紆績以贍乾隆二年建坊

旌表

賴氏鄉飲賴日生女年十六適生員楊兆濂奩具甚厚夫弗善也遂屏去紈綺椎髻操作閱二年夫病躬侍湯藥宵旦弗懈兆濂死遺孤纔五月煢煢無依氏撫育辛勤數十年乾隆三年建坊

旌表

朱氏年十八適劉芳聯二十一而寡無子撫姪爲嗣藉十指以給饗殮姑死哀泣不苟葦者三年乾隆三年建坊

旌表

康氏劉世延妻年二十五世延歿僅遺一女撫姪爲嗣事舅

瑞金縣志

卷九 節婦

二十一

姑存歿盡禮年九十餘終乾隆三年建坊

旌表

毛氏楊其寬妻其寬病氏侍湯藥衣不解帶者一年及歿鍵戶守節檢夫遺編鐻篋衍孤元直長悉授誦讀後有聲庠序乾隆四年建坊

旌表守節四十五年年六十五卒

謝氏陳宗達妻嫁時奩資甚厚而荆布自安年二十六夫亡泣血三年高堂甘旨與喪葬之費皆出奩具佐之年七十餘精力强健猶勤女工乾隆四年建坊

旌表

謝氏楊方翟妻方翟死氏年二十遺孤方一歲家貧種蔬辟  
纜以養舅姑年至八十餘乾隆五年建坊

旌表

林氏生員賴聖銳妾適賴三歲而寡生子方三日矢志撫孤  
嫡生二女視之如子家政一歸於嫡已惟紡績酒漿是任  
翁姑老疾事之尤得其歡心乾隆五年建坊

旌表

鍾氏適郭遠詩三年而寡無子家常併日而食時年僅十八  
母家勸令再適遂絕跡不歸甯姑病輾轉調護歷久不懈  
乾隆六年建坊

瑞金縣志

卷九 節婦

二十二

旌表

劉氏賴聖麒妻年十八歸聖麒結褵七載而麒歿氏觸棺慟  
哭幾絕舅姑多方寬慰乃繼姪爲嗣奉舅姑甘旨罔缺外  
戚家貧父母繼亡氏十指所得悉捐以助葬人謂氏以媳  
代子更以女而盡孝於親也卒年八十九乾隆六年建坊

旌表

彭氏生員賴聖銓繼室年十七歸聖銓二十三銓死欲以身  
殉奉舅姑命乃止鍵戶守節事舅姑以孝聞遺孤二夫歿  
時長僅五齡幼三齡稍長延師誨育夜則篝燈課讀脯修  
之費悉出十指守節五十九年壽八十一終子定仁郡庠



生定禮太學生乾隆十二年建坊

旌表

吳氏楊枝益妻年二十六枝益卒氏一痛幾絕以翁姑老強節哀視息朝夕奉養必具甘旨子方立父歿方三歲稍長就外傅夜歸必課以日所誦習言動俱以禮法相繩卒得有成乾隆十七年建坊

旌表

鍾氏楊于仕妻事孀姑克盡婦道于仕以哭母哀毀成疾卒無子僅一女年二十二守節撫姪其琳爲嗣未幾其琳又殤氏再欲以身殉旣自念身死夫祀遂絕乃復繼姪其琯

辛勤教育備極勞瘁守節三十一年乾隆十七年建坊

瑞金縣志

卷九 節婦

二十三

旌表

鍾氏羅大璜妻年十四于歸性端重寡言笑孝敬和婉內外無間言至二十九歲夫亡舅在堂諸孤幼穉氏一身仰事俯育備極勞瘁居嘗足不踰閫雖至戚罕見其面課督諸子悉有成立乾隆六年建坊

旌表

謝氏東鄉教諭重拔之女監生張仁暉妻年二十七夫亡所生二子長義藹以祖命爲叔仁昉後氏撫次子義茂生僅七日孝養舅姑生事葬祭無不竭誠盡禮孤藉成立現年

六十二

朱氏楊兆保妻年二十八夫死遺孤二長德達年十二次德聚甫六齡時值寇亂城門晝閉訛傳賊夜至城中男女盡逃竄氏度不能脫乃攜二子自投於池比曉無賊氏與二子俱無恙若有神相之者然亂定室廬俱燼僦居族人茅簷下常屢日不食教二子俱有成後以壽終德達之妻鄧氏善事其姑以勤儉佐夫家日饒裕三子皆有成立夫死遂斥斷酒肉子媳跪進甘旨乃曰吾非佞佛以求福利也念予先姑慘經喪亂未嘗得一飽粗糲吾今衣疏食淡勝昔日多矣言已輒哽咽若不勝情於是遂茹素三十年以

瑞金縣志

卷九 節婦

二十四

終人稱其孝德達之季子方仁妻胡氏年二十六方仁歿胡氏守志撫孤三十年年五十六卒德達長子方申之次子于倓亦蚤死繼室郭氏年二十二無子撫姪爲嗣備嘗艱苦守節三十七年現年五十八歲自朱氏以下蓋四世節孝云

袁氏幼許字楊旣穎及笄旣穎病欲娶婦其父母有難色氏曰婚夙訂矣何拒爲遂來歸五月夫死堅志守貞姑初憐之旣以貧窶數迫氏他適氏不得已歸依母家以針紉自給年五十九而終

廖氏湯雲妻年二十七歲守節歷五十五年年七十三卒

賴氏謝衍渭妻年十九衍渭卒水漿不入口者三日母強之乃起撫孤家貧姑臥病十年扶持不離左右子松暄既長備極孝養尋天氏因哀過而卒年六十孫柏嵩郡庠生

廖氏賴時芝繼室嫁八月夫死無子撫前妻之子如己出五十二歲卒時芝姪聖億聖停妻俱姓陳氏億死時妻年十九無子撫姪爲嗣又死更撫孤孫年五十六終停死時妻年二十子二有老姑氏奉養彌謹聖億有姪定甲亦早逝妻胡氏年二十亦居貧守節現年六十五人謂一門四節云

廖氏朱素亭妻監生廖有元之女年二十一夫亡生子一僅

瑞金縣志

卷九 節婦

二十五

九日家貧無倚氏堅志守節上奉邁姑備極孝養下撫弱息艱苦備嘗後姑以壽終兒藉成立皆氏之力也現年五十歲

氏職監劉宣之女張仁昞妻也年十九夫死無子氏矢志堅守撫姪義藹爲嗣翁姑在堂克盡孝養守節已歷四十年現年五十八

胡氏謝德元妻德元死氏年二十二子朝宗方三齡矢志撫育朝宗長食餼郡庠生現年五十九

鄧氏賴惟純妻年二十六夫死家貧立志守節寅卯寇亂斗米百錢祇藉十指縫紉以育孤子至數日不能舉火而志

逾堅子長頗事封殖家業稍裕氏年已及艾矣有姪某幼孤氏爲收養飲食婚娶無異己出尤人所難能者年七十四卒

張氏毛鳳鸞妻十九于歸閱數年鳳鸞沾瘋病輾轉牀褥者六年氏左右扶掖毫無忤色鳳鸞死氏年二十八矢志守節撫子成雅娶妻華氏結褵九載成雅又亡華年二十六姑媳相依共撫幼孫今張年七十八守節五十年華年六十四守節三十八年

楊氏劉世珖妻年二十五夫死守節備歷艱難者三十五年現年六十

瑞金縣志

卷九 節婦

二十六

劉氏謝衍洸妻年二十夫死家貧有遺腹生子多病鞠育勤劬乃幸有成現年六十

郭氏陳宗佺妻年二十六而寡無子氏立志以養舅姑舅太璇晚納妾生子宗晏年餘太璇死妾亦他適氏撫週歲小叔迄於成人舅始有後氏年八十一卒

胡氏鄒應銘妻年二十六夫亡矢志守節撫育遺孤現年七十一

丁氏胡朝之妻年二十而寡子僅一歲撫之成立後慘經死喪艱苦備嘗現年七十七歲

朱氏胡文佐妻年二十三而寡遺孤僅百日撫之成立現年

六十九

許氏年十八適危然仕二十四夫歿孤子文穆娶媳張氏年二十五文穆又亡姑媳相依食貧堅守許年七十二卒張年六十歲

鄧氏張義重妻二十夫死遺一子氏矢志撫育守節已五十四年現年七十四歲

毛氏楊德徽妻年二十二夫亡家貧無子撫姪爲嗣守節五十餘年年七十八卒

姜氏蔡文球妻年二十六夫死遺孤二老姑臥病數年舉動需人氏矢志守節竭誠奉養姑得終其天年後二子相繼

瑞金縣志

卷九 節婦

二十七

天歿姑媳三人貧苦相依藉女紅以育其孫現年七十九歲

賴氏胡朝極妻年十七于歸至二十四夫亡止生一子應鐸年七歲氏守志撫養成人娶媳楊氏未幾應鐸卒閱半月楊氏又歿遺一子文淡年六歲賴以祖母而撫幼孫者七年賴始身故守節二十九年後文淡娶妻劉氏至劉年二十六文淡又天遺孤良弼甫五齡劉氏守志撫之至五十六歲而卒守節歷三十年

楊氏劉傳宗妻年二十六而寡氏矢志無他孝養舅姑撫育孤子二人皆得成立郡守某扁旌其門年八十四卒

陳氏國學楊方哲妻年二十八而寡撫二子皆有成立守節四十年年六十八卒

郭氏鍾秉侗妻十八歲夫亡守節現年六十八歲

楊氏毛長華妻年二十六夫亡遺一子五歲氏矢志撫守現年六十五歲

楊氏危文翰妻年二十六夫亡無子撫姪爲嗣守節已三十九年現年六十四歲

劉氏鍾秉璋妻二十四歲夫死守節現年六十四歲

李氏陳垂燕妻年二十二夫死遺腹生一子氏矢志撫孤教養成入現年七十三歲

瑞金縣志

卷九 節婦

二十八

鄧氏楊枝點妻年二十夫亡遺一子氏矢志撫之二十餘年子亦死貧困無依志節益堅現年七十歲

李氏朱有爲妻年二十四夫死遺一子氏堅志苦守歷四十四載現年六十七

熊氏廖有璇妻年二十三夫亡一子始週歲家貧無倚氏守志撫孤奉事翁姑備極孝敬守節四十七年現年六十九

賴氏楊德範妻年二十八夫死生一子幼殤家奇貧氏矢志堅守至賃舂以自給守節數十年年七十一終

王氏楊聿東妻年二十一夫死矢志撫孤姑性嚴詈辱箠楚人不能堪氏堅忍順受毫無怨色守節數十年以壽終

林氏楊方稷妻二十二而寡守節撫孤三十四年現年五十六

胡氏孝廉胡朝極女年十九歸賴聖璜爲妻僅數載而聖璜卒舅姑在堂氏矢志堅守孝養無違問安視膳外靜坐閨中雖家人罕見其面撫姪爲嗣又天復繼姪孫以延宗祀守節三十年卒

楊氏周璋妻二十七夫歿食貧鞠育遺孤孤又夭歿遂哭泣成疾而卒年四十九

鍾氏羅諤引妻二十五而寡子宏士妻曾氏年二十二而宏士死遺孤廉夫方五歲既長娶李氏生子庶亭五歲而廉

瑞金縣志

卷九 節婦

二十九

夫又死李年二十四三世孀守形影相依鍾年五十六卒曾六十五李五十八卒

龔氏年十二母死歸邱立惠爲妻九年舅歿立惠踵亡氏年二十無子與姑苦節共勵現年六十

曾氏楊將綸妻年十六于歸二十一而將綸卒有遺腹數月生子雲龍矢志堅守孝養翁姑鞠育孤子守節已三十八年現年五十八

劉氏鍾啓求妻年十八夫亡守節現年六十三歲

王氏鍾啓永妻年二十五夫亡守節五十五歲卒

王氏鍾秉組妻年十五于歸十八而寡撫一子又殤家貧姑

老氏矢志堅守孝養慤懃歲癸酉氏歸視父病旋聞姑亦病遂步走三十里而返百計求醫未效歷數十年如一日姑卒哀號擗踊人不忍聞經營殯葬以勞致疾未幾氏亦卒年四十四

陳氏張應誘妻年十八夫亡無子矢志守節撫姪正海爲嗣孝養孀姑現年五十四歲

曾氏鄧曰宮妻年十九夫亡一子生僅一月氏矢志撫孤守節已五十七年現年七十六

楊氏羅大慶妻年十七于歸逾年而寡生子僅一月氏矢志堅守至六十六歲卒

瑞金縣志

卷九 節婦

三十

胡氏李希杜妻年二十一夫死一子僅兩月矢志堅守已歷三十三載現年五十四歲

楊氏陳尙禮妻年二十三夫死家貧無子苦志堅守至六十二歲卒

張氏諸生劉伸妻年二十夫死遺一子氏矢志撫孤奉事孀姑備極艱苦已歷三十二年現年五十歲

楊氏劉甲輝妻年二十三歲大疫王姑曾氏姑宋氏夫及夫弟皆于一旬之內連喪氏隻身無措親族俱斂跡不前氏攜孤沿門乞贈始備四柩以殯因是積成痼疾歷數十年氣喘心冲值病稍間卽紡績以資衣食現年五十六歲



危氏生員危夢庭女監生蕭嵩之妻年十七于歸二十四夫  
亡遺孤三氏堅志守節撫之皆有成立現年五十三

宋氏鍾秉琮妻年二十二夫亡遺一子氏矢志撫之至子年  
二十三又亡氏堅守不易已歷四十二年現年六十四

曾氏楊先懌妻年十七于歸次年先懌病故遺腹生一子撫  
之至十餘歲孤亦殤乃立兄子大炳爲嗣教養備至艱苦  
異常已歷三十餘載現年五十一歲

羅氏廩生謝溥妻年二十八夫亡遺一子撫之至二十餘歲  
又天家貧無倚氏矢志堅守卒年五十八

劉氏楊天景繼室年二十夫亡已無所出撫夫前妻子有成

瑞金縣志

卷九 節婦

三十一

守節已四十一載現年六十一

陳氏朱家庶妻年二十六夫亡子一舅姑在堂氏冰操自凜  
仰事俯育備歷艱辛現年六十四

楊氏陳嘉濬妻年二十夫死遺孤瑞器氏守節撫育辛苦備  
歷現年六十有二

鍾氏羅有韻妻年二十三夫死子二家貧無倚姑老病患風  
攣飲食便溺需人扶持氏撫摩奉養備極誠敬歷八年始  
歿教養孤子皆得成人現年六十歲

謝氏陳文捷妻年二十五夫亡止生一子家貧氏堅志撫守  
已歷三十九載現年六十四

陳氏劉世琳妻年二十四喪夫遺一子上有老姑病痿氏背負出入頃刻不離左右守節五十三年卒年七十六

謝氏劉光榮妻年二十三夫死無子撫姪爲嗣守節五十二年現年七十有一

劉氏陳文楊妻年十六于歸二十二歲而寡氏矢志撫孤孤長復夭更復撫孫現年六十五

王氏張宗濤妻年十八夫死無子以舅姑命繼甥沈道遠爲嗣守節三十五年現年五十三歲

朱氏曾應棠妻年二十五應棠病革遺子七歲氏守節撫育已歷四十一年現年六十有六

瑞金縣志

卷九 節婦

三十二

袁氏劉顯縞妻年二十四顯縞卒遺孤二氏守志撫育孝事舅姑備嘗辛苦卒年七十有七知縣馬給扁旌之

郭氏羅有言妻年二十四夫死遺一子氏冰操自矢奉事舅姑教養孤子已歷二十八載現年五十二

郭氏陳宗信妻年二十二宗信病故僅遺一子老姑在堂氏守志孝養姑以壽終子得成立現年六十二歲

謝氏生員劉元球妻元球本生父亮因次兄芳忠早死無子嫂楊氏堅志守節故首舉元球卽立爲芳忠後節婦撫之

恩勤備至元球長念母劬勞奮志力學未弱冠繫藉諸生以下帷攻苦得疾蚤死時謝年二十六遺子良瀾良淑二

人上事節姑下撫弱男辛苦拮据爲良瀾援例入監未幾良瀾又夭氏志益堅艱苦備嘗已歷二十五年現年五十劉氏楊德勉妻年二十夫死一子生甫兩月家奇貧氏矢志撫孤備嘗艱苦已歷六十四年年八十四卒

王氏胡朝宣妻年十五于歸二十一而寡遺子一氏撫之十餘年子亦卒乃繼立孫未幾孫又夭貧苦萬狀氏志益堅年六十二卒

楊氏貢生楊方堅之女朱介明妻年十七于歸介明素病痿故未有生育至二十六歲介明遂卒氏立志守節撫立嗣子已歷三十餘年年五十二猶處子也

瑞金縣志

卷九 節婦

三十三

楊氏名瑤姑鍾泰彭妻泰彭夭歿氏年方十九遺孤文星甫週歲氏矢志不二奉事舅姑備極孝敬繼姑朱氏患癰痛楚腥穢殆不可近氏以口吮出膿血其痛少止于是日夜吮啞凡十餘次畧無厭倦盡出奩具以供參藥費調治兩月未嘗一息解衣安寢姑竟卒氏水漿不入口者數日翁慰諭再三始少進薄粥越數年翁病其左右服侍亦如姑病時翁死殯葬以禮每逢翁姑及夫生辰忌日攜幼子哭奠哀慟之聲人不忍聞子年十五爲之援例入成均俾得盡交鄉邑名流人謂氏之節猶可能其誠孝乃不可及云羅氏生員楊枝道妻年三十夫亡撫一子二女至十數歲娶

媳既生孫矣子旋夭復撫幼孫未幾孫亦殤媳不能守氏哀求伯叔爲立繼嗣以續夫後辛勤拮据以嫁二女艱難况瘁殆非人所能堪氏安之恬如也現年五十

李氏章文煥妻年二十四夫亡家貧子幼舅姑憐其年少每諭令改適氏以死自誓日夜勤紡績以資養贍及姑死繼姑鍾氏事之如一其外家亦貧父死母無所倚請命舅姑迎請在家生養死葬一出己力夫弟洵顯因妻死無以聊生遂出外經營十年不返遺幼子二人氏撫之如己出今頽然成立矣夫弟歸感激奉之如母所生子長娶媳誕育諸孫備極艱苦已歷三十六年現年五十九

鍾氏李廷儼妻年三十喪夫家貧矢志撫孤朝夕勤紡績奉養舅姑訓課諸子悉由矩矱守節四十一年年七十一終

郭氏劉其遜妻年十七于歸歷五年未有生育氏因勸夫曰翁姑年邁止有君一人君又多病宜急納妾爲嗣續計乃納謝氏爲副室閱一年嫡庶同受娠生男子二人夫旋卒氏與謝年俱二十五歲同志撫孤俱年七十餘乃終

楊氏貢生楊以佺女劉漢倫妻幼喜讀書于歸後日與其夫嚴立課程夫稍不如限必多方勸勉篝燈伴讀常漏下數十刻不休至二十五歲夫亡遺一子氏苦志撫之比長入武庠氏弗善也復督課其二孫家僅薄田數畝盡鬻之以

爲束修資雖窮餓弗恤也現年五十歲

楊氏生員賴長春妻年十七于歸結褵六載夫亡生二子方在襁褓氏矢志撫孤孝事翁姑勤紡績以供甘旨備極勞瘁未幾長子又夭矢志益篤訓次子動以禮法守節三十載雖家人親屬罕見其面現年五十有七

巫氏危瑞琪妻年二十八夫亡遺孤二女一甫數歲翁姑年邁家貧無倚氏矢志撫育孝養備至嫁女娶媳悉出十指經營艱難萬狀守節已二十七年現年五十五歲

曾氏楊德質妻年二十六夫亡遺一子家貧舅姑屢命之改適氏堅志守節備嘗辛苦已歷四十年現年六十五

瑞金縣志

卷九 節婦

三十五

周氏賴學宣妻年十九夫亡守志撫孤已歷四十八年現年六十七

雷氏名滿姑曾兆達妻兆達外出氏獨與姑居甘貧茹淡貞潔自守姑以其異己也撻之至苦氏安忍順受毫不爲動于是日加箠楚徧體幾無完膚甚或鎖置一室不與飲食氏覺姑意不可回乃伺深夜投繯畢命時乾隆四年正月廿六日外家雖鳴之官然事涉曖昧難以深求鄉里有知之者作爲詩歌以弔之人乃知氏一死之烈其所全者大矣

湯氏國學生賴聖鏞副室年十九歸聖鏞嫡氏孝廉朱世官

女賦性慈淑能通女誠待氏恩禮有加氏無小星之歎舉  
二子廬陵臨川學博梯雲貢生定俸氏後舉二子國學生  
定僖定愕兩母四子暨孫曾數十輩根株體派一善氣之  
凝聖錫歿時氏年甫三十與嫡俱稱未亡人膏沐不施讌  
會不與井臼身親獨任勞勩嫡氏年躋八旬牀第起居逮  
至厠脬中裨不身理之則不安節于夫復孝于嫡非巾幗  
中卓卓者歟傳曰表厥宅里樹之風聲微氏其誰與歸  
宋氏謝國潤妻庠生宋溶女也年二十五夫亡守志撫孤鳳  
翎備嘗艱苦已雖饘粥不繼而延師課子修脯飲食務從  
豐潔子克成立繫籍諸生氏年已六十餘矣

瑞金縣志

卷九 節婦

三十六

黃氏生員劉詠妻詠奉本生父芳綱命出爲叔芳忠後母楊  
氏守節撫之氏于歸時年十七克盡婦道勉夫力學以酬  
母志詠早歲籍諸生越數年身故時氏年僅二十四遺子  
二女一氏立志堅守上奉節姑下撫弱男備極勞苦俱得  
有成長良澗庠生次良濱國學生氏現年五十九歲  
劉氏徐師周妻二十六歲夫亡矢志撫孤備嘗艱苦年七十  
二卒

劉氏羅承運次子先鏌妻也年十八于歸家貧四壁蕭然氏  
勤織紝以供高堂甘旨并佐夫子讀書內外咸稱其孝謹  
至二十五歲生子三而夫歿氏矢志壑守與繼姑石氏相

依爲命姑亦賢左右維持慈愛備至諸孤長延師訓迪迎  
欸嘉客有截髮剝薦之風三子咸有成立長希聖國學生  
次德浚次德溥俱業儒石氏年八十九終氏現年七十一  
羅氏楊聿君妻年二十五歲夫亡守節現年六十三歲

朱氏羅承廷長子先銘繼妻也年二十一夫亡遺腹三月家  
奇貧氏苦志堅守孝養翁姑後生一子德濱并撫前室之  
子德滋皆有成立現年六十八

楊氏劉益齡妻年二十歲夫亡守節撫孤文瑞娶媳張氏生  
一子學仁方五齡文瑞又亡張氏亦年二十上奉孀姑下  
撫幼子備嘗辛苦學仁長娶妻生二子世沅世洗學仁尋

瑞金縣志

卷九 節婦

三十七

卒張氏復撫二孫年四十四終

葛氏楊枝霏妻楊兆仕之子婦也年十六于歸生子一方振  
甫五齡枝霏病歿氏年二十一矢志守節上事翁姑下撫  
孤子備極辛勤數十年如一日氏今年六十一歲家業漸  
饒孫曾森立人以爲節孝之報云

周氏劉蓋臣妻夫卒時年二十有四遺孤嘉迪尙在襁褓四  
壁蕭然氏苦志冰霜撫子及孫皆有成立守節五十餘年  
壽七十八卒

劉氏大學賴善佺妻年十六于歸至二十六生三子夫卒堅  
志守節人有諷其改嫁者氏引刀自斷左手第四指以明

志見者莫不驚異自是無有敢復言者矣時長子上達方七歲次子義吉五歲三子禮吉猶在襁褓氏辛勤教養俱得成立後上達繫籍太學弟兄友愛人咸謂節婦有子也邑令張公惠可教諭涂公居熹俱扁旌其門鍾孝廉乘用爲文紀之年五十八卒

賴氏太學鍾啓炆妻年二十七夫亡僅生一女妾童氏生一子名鳳氏矢志撫孤姑鄒氏患目疾苦甚氏奉事懇懃每日以舌舐之歷十二年如一日姑目遂得明人以爲孝感所致子亦成立貢入成均教諭郭公位有文紀之復旌以扁邑令唐公紀亦扁旌之現年六十二歲

瑞金縣志

卷九 節婦

三十八

鄧氏楊兆照妻年十九夫死無子矢志守節無兄兆然次子枝泰爲嗣上事翁姑孝敬備至教督嗣子動以禮法克有成立年三十九卒

沈氏陳世澧妻年二十一夫故守節卒年六十四歲

楊氏陳嘉濬妻年二十歲夫故守節撫孤入邑庠矢志六十餘年以壽終乾隆七年建坊

旌表

按此條舊志已載因未載請 旌年分今特補入

劉氏賴聖琦妻年二十六夫亡守節乾隆十七年建坊

旌表

劉氏鍾秉璋妻年二十四夫亡矢志守節事姑盡孝撫二子



克有成立孫曾繁衍庠序蜚聲壽九十二乾隆二十四年  
建坊

旌表

陳氏儒童賴聖停妻年十八于歸結褵五載夫亡遺孤二長  
定据僅三齡次定琅甫數月氏矢志撫育卒年七十七後  
定据食廩餼定琅入國學乾隆二十七年建坊

旌表

謝氏陳年枝妻十五歲于歸越明年夫歿矢志守節事舅姑  
以孝撫姪承蘭爲嗣和丸教讀得中鄉舉乾隆三十五年  
建坊

瑞金縣志

卷九 節婦

三十九

旌表

潘氏謝祿理妻二十二歲夫死守節數十年無異志乾隆三  
十七年建坊

旌表

何氏陳祥鵬妻年十七夫死無子氏立志自守繼姪爲嗣孝  
養老姑年六十九卒乾隆四十三年建坊

旌表

朱氏楊于紱妻年十九夫故矢志撫孤守節六十餘年乾隆  
四十六年建坊

旌表

歐陽氏楊于絢妻年二十八夫卒生子三卽欲身殉姑以撫孤勸慰氏遂矢志躬操女紅不踰閨闈妯娌亦罕見面惟隆師課子和丸畫荻備極辛勤事姑孝姑病目雙盲氏旦夕以舌舐之後復明長子附貢生其珽次國學生其瑚理問其珩卓然蜚聲孫曾森立親見五代壽九十三卒乾隆四十七年建坊

旌表

宋氏陳昌銖妻年十九夫死矢志守節以孝事姑撫姪爲夫後乾隆四十八年建坊

旌表

瑞金縣志

卷九 節婦

四十

賴氏楊其琚妻年二十夫死家貧苦志守節撫孤成立年七十三卒乾隆五十三年建坊

旌表

鍾氏楊其昌妻二十三歲夫亡守節孝事公姑撫育幼子年七十九卒嘉慶三年建坊

旌表

鄧氏賴顯揚妻年二十四夫故僅遺孤一比長孤又夭亡日勤績紡以撫幼孫終身苦志八十一歲卒嘉慶五年建坊

旌表

曾氏劉昱妻二十六歲夫死守節生一子甫五月氏矢志撫

孤教養成立事舅姑盡孝嘉慶六年建坊

旌表

廖氏陳年楷妻二十三歲夫亡矢志守節嘉慶十年建坊

旌表

蕭氏詹武蘭妻二十四歲夫亡生一子早殤氏堅志守節撫  
姪烈桃之子俊輝爲嗣家事命姪經理惟以嗣孫讀書爲  
念年七十九卒嘉慶十六年建坊

旌表

蕭氏陳年橋妻年十九夫死守節孝事孀姑撫姪承蕙爲嗣  
教養成立嘉慶十七年建坊

瑞金縣志

卷九 節婦

四十一

旌表

楊氏武庠鍾敷霖妻年二十四夫亡遺孤盛敬生甫八月氏  
矢志貞潔病不延醫事舅姑撫孤兒克盡心力姑患目幾  
二十年氏扶掖寢食無倦孤稍長課讀最嚴孤亦孝謹娶  
媳後氏紡績積所儲助之援例以副夫遺命及媳早亡生  
二子俱幼氏以祖母而教育至於成人長道經監生次道  
綸附生均有成立仰事俯育勞瘁備至人咸稱之現年六  
十有七嘉慶二十四年建坊

旌表

沈氏鄒尙近妻年二十九夫亡矢志撫孤守節四十餘年七

十三歲終

何氏鄒明遯妻年二十六夫死守志堅貞撫孤成立年六十六卒

鍾氏楊元紱妻年二十二夫死遺腹生子矢志撫育克有成  
立事翁姑以孝聞年五十四卒

劉氏鍾啓蔣妻年十九于歸甫四載夫故無子生女一誓不改嫁有同母弟無賴人也逼之嫁氏益憤不欲生數十年  
足不踰閭冰霜自勵衣食無資唯補綴破絮以禦寒籜篩  
米糠以餬口困苦堅貞有人不能堪者壽至九十卒

楊氏曾應修妻年十九夫亡矢志守節中年嘗抱病將危子

瑞金縣志

卷九 節婦

四十二

稟之曰母病勢急請醫治之氏厲聲曰吾婦人而可使男人視疾耶且死生有命何治之有自後凡有小恙不敢復請又年七十餘子欲爲圖像氏作色曰畫工豈能畫心予歿後將白綾一幅題數語表予心可也又黃淡圃學博欲爲請

旌氏聞而命子力辭未幾疾卒其一生貞潔自好並不求名眞女中君子也子兆玠登嘉慶戊午賢書孫曾亦彬彬鬢序  
賴氏生員劉章文妻年十七于歸二十七而夫亡生子二皆  
在襁褓氏矢志撫育孝養孀姑問安視膳外惟靜守閨中  
課兒成立子忠暉貢生忠暄州司馬孫安慶貢生安熹國

學安蕙廩生安懷優附生卓卓蜚聲皆氏教誨之勤也守節五十餘年年七十五終

劉氏鄒學瑄妻年二十六夫亡矢志守節年八十四卒

歐氏謝卓人妻年三十夫死守節撫育幼孤艱苦備歷年七十四歲終

朱氏謝霄穎妻年三十夫死子幼矢志堅貞撫孤成立壽九十卒

張氏曾萬諭妻年十七歸曾善事姑嫜和睦妯娌年十九夫死矢志撫孤教育兼盡年七十六終子廷桂授衛千總

鍾氏李文苑妻二十三歲夫亡矢志自守飲冰茹荼數十年

瑞金縣志

卷九 節婦

四十三

艱苦備歷至七十二歲而卒

宋氏謝開元妻二十六歲夫死苦志守節前知縣郭給扁旌獎年七十卒

鍾氏李文茂妻年二十六夫亡苦志守節初終不渝與嫂鍾氏同事老姑善承意旨人有二孝之目氏年六十九卒

楊氏鍾冠嶽妻年二十六夫亡守節清潔自矢至死不渝卒年六十七

湯氏楊兆連妻順治間流寇蠡起連同鄉勇奮勦被賊刃斃氏年二十四聞夫死一慟幾絕既而忍哀求夫尸殯葬以禮邑人爲崇祀萬公祠後母家憫氏年少欲令他適乃痛

陳大義父母意沮氏堅志撫孤克有成立九十時都閩金扁曰節壽雙高又曰夫義婦節壽至九十二終

鄒氏庠生謝珠妻十六歲于歸年二十夫亡守志堅貞雖戚族罕見其面事翁姑備極孝敬撫弱息克有成立壽八十九卒

鍾氏謝樸夫妻年十八夫死守節矢志冰霜壽八十三卒  
藍氏劉多霞妻年十八于歸夫於前數月得咯血疾及氏歸侍夫湯藥衣不解帶十八日而夫亡外家迫以他適氏守志堅貞事太翁姑以孝聞家貧藉女工度日不能繼嗣年七十七以壽終

瑞金縣志

卷九 節婦

四十四

許氏劉良渡妻年二十二夫死守節苦志終身年七十餘以壽終

許氏年十六歸李榮偲七載而夫歿哀毀幾不欲生念遺孤尚在襁褓舍悲強起撫育幼子孝養翁姑守節四十餘年六十八歲卒

鍾氏趙科菴妻年二十四夫亡遺孤甫八月矢志撫育備極勞瘁事姑以孝聞年六十七卒

洪氏廖必俯妻年二十六夫亡矢志守節年八十三卒

楊氏鍾成坦妻年二十八夫死守節矢志撫孤教育兼盡事姑以孝聞孀居三十餘年六十四歲卒子鳴邑庠生

章氏儒童劉暉妻年二十五夫死欲以身殉爲幼孤無託強理家政未幾孤溺死氏仰天慟曰未亡人忍死以待者此孤耳今何待耶遂自經於牀家人覺之得解因以存祧勸之乃繼姪爲嗣撫育如己出守節四十九年卒

林氏鍾香勳妻年七歲歸鍾幼嫻內則長習禮儀孝事翁姑敬從夫子年三十夫因刻苦力學成血疾卒氏矢志守節家貧資績紡以養高堂督兒從師尤極嚴切數十年來辛苦備歷年五十八歲卒後其子奕德登己卯賢書惜未之見也

楊氏胡學漢妻年十八于歸隨舅任廣西金城司舅歿氏與

瑞金縣志

卷九 節婦

四十五

夫扶櫬還鄉夫卒于道時氏年三十生一子幼殤欲與夫偕逝又念孤身不恤雙柩無歸乃吞聲忍死護柩旋里後撫姪爲嗣克有成立孀居三十七年壽六十七終

袁氏陳漢洛妻年二十四夫死無嗣矢志守節繼夫從弟漢波子實閭爲後撫育有方事姑盡孝年六十五卒

郭氏劉朝紹妻年二十六夫亡矢志守節孝養孀姑撫育幼子盡心苦志年六十二卒

曾氏劉朝瑜妻年二十二夫死無子苦志守節孝養繼姑年五十九卒

危氏鄒有忠妻年二十夫死守節苦志撫孤五十四歲卒子

光祖邑庠生

劉氏謝卿士妻年二十六夫亡矢志堅貞撫孤成立孀居五十載而終

楊氏謝少陶妻年十六于歸越二年夫死無子氏堅貞自守繼姪爲嗣撫之如己出苦志三十餘年五十四歲終

李氏監生楊巍山妻年二十七夫亡守節矢志撫孤克有成立孀居數十年而歿太史劉宗魏爲傳記之

黃氏鄧延寀妻年二十八夫死守節苦志堅貞二十餘年五十三歲卒

劉氏鍾成功妻年二十四夫亡守節敬事姑嫜撫育幼子年

瑞金縣志

卷九 節婦

四十六

六十七卒

楊氏儒童李榮伋妻年二十六守節苦志堅貞撫孤成立孀居四十餘年六十五歲卒

羅氏郭錫波妻年二十五夫死守節資紡績以養翁姑撫弱息孀居四十餘年七十三歲卒

陳氏周段山妻十四歲于歸克嫺婦道年二十七夫得咯血疾彌留之際以親老子幼爲囑氏合淚許諾後雖悲痛累絕而不敢自傷其生孝事二姑撫育孤子殫誠竭力艱苦備嘗年七十五卒

鍾氏楊于達妻年二十二夫死無嗣矢志守節繼夫弟之子



爲後教養辛勤備經勞瘁年七十七終

張氏楊于淵副室時淵爲國子監主簿娶張未二年而卒張年十八無出乃與嫡子扶柩旋里居家後靜守閨門嫻族罕見其面終身不去喪服年六十以疾卒卒之日貌如生清香滿室人謂貞節之奇驗云

楊氏儒童周瓚侶妻夫以屢試不售抑鬱成疾卒時氏年二十三僅一子矢志撫育後遺孤十七而天氏悲痛嗚咽幾不欲生繼姪爲嗣愛逾己出數十年冰霜苦志年五十而卒

曾氏朱佳曠妻年十九夫亡遺腹生一子撫育殷勤冀其成

瑞金縣志

卷九 節婦

四十七

立弱冠而天僅遺一孫零丁孤苦數十年盡心保護現今  
姑媳相依曾年八十五媳年五十二

彭氏武生胡寅斗妻年二十而夫死生子甫四齡矢志撫育事舅姑盡孝子國梓復早喪無嗣其妻楊氏年二十四誓與夫俱死念孀姑在堂無人奉養乃飲泣吞聲與其姑朝夕相依繼姪爲嗣教養成立兩世冰霜苦守歷數十年後  
姑媳相繼而歿

楊氏儒童沈光宏妻夫早逝氏青年守節教子成立六十餘  
年矢志冰霜至九十而卒

朱氏劉致中妻年二十夫死生子僅週齡矢志撫育孝養翁

姑飲冰茹蘖三十餘年五十九歲卒

賴氏鍾冠羣妻年二十夫亡矢志撫孤艱辛備歷守節二十餘年卒年四十八

楊氏鄒學柴妻二十七歲夫亡僅生一女繼姪爲嗣教養成  
立事姑以孝聞後孫曾林立庠序蜚聲皆氏教誨之力也  
卒年七十六

賴氏鄒廷璞妻二十九歲夫死守節撫孤有成卒年八十三  
藍氏鄒學橋妻二十九歲夫亡守節家貧紡績度日撫孤得  
有成立年六十三卒

許氏鄒明堂妻二十三歲夫亡守節奉養舅姑撫育幼子年

瑞金縣志

卷九 節婦

四十八

六十八卒

謝氏鄒勝賜妻年二十六夫死矢志守節撫育幼子孝養翁  
姑年六十卒

鍾氏沈正棨妻年二十一夫死青年矢志事翁姑以孝聞撫  
遺孤成立孀居六十餘年五世同堂現年八十九

宋氏鍾泰駿妻年二十一夫亡矢志守節現年七十八

鍾氏劉開祥妻年二十七夫死家貧父母欲奪其志氏誓死  
不從苦節自守奉翁姑無稍違教子有方現年七十四

李氏劉多瓚妻年二十六夫死無嗣欲自盡與夫同穴親屬  
勸以舅姑均歿僅遺小叔方三齡嫂死叔誰依乃忍哀強

起操作辛勤撫叔成立後繼叔之子爲嗣苦節五十餘年  
現年七十六

許氏梁貴棟妻年二十六夫死僅遺一子矢志撫育備極劬  
勞數十年苦節自持現年七十五

詹氏李玉章妻年二十四夫死無嗣矢志守節撫親姪爲夫  
後教養成立苦志四十餘年現年七十

陳氏楊其彩妻年二十七夫死遺孤僅兩月矢志撫育守節  
四十餘年現年六十九

陳氏儒童謝柏聯妻十六于歸克謹婦道夫病侍湯藥數月  
衣不解帶未幾卒氏年二十二矢志自守事翁姑撫弱息

瑞金縣志

卷九 節婦

四十九

數十年艱苦備嘗現年六十四子茂文太學生

鄭氏李朝浚妻年十八夫亡遺腹生一子矢志撫育冰霜苦  
守五十年如一日現年六十七

胡氏謝柏儒妻年二十一夫亡矢志守節四十餘年現年七  
十

吳氏謝祿沅妻年二十七夫死守節現年六十二

曾氏九歲歸楊長權年二十五夫亡守節事翁姑盡孝撫遺  
孤有成矢志三十餘年現年六十四

劉氏胡昌喬妻年二十六夫亡苦志自守三十餘年不踰閨  
闕現年六十

楊氏劉欽琇妻年二十八夫亡矢志撫孤冰霜自凜守節三十餘年現年六十

胡氏生員楊會光妻年二十四夫死守志生二女無子撫姪爲嗣辛勤教育苦節堅貞已歷二十八年親年五十二

曾氏武生鍾躍鱗妻年十八夫亡矢志守節三十餘年不踰閨闕現年五十四

鍾氏監生賴顯詔妻年十八于歸二十五夫亡矢志事姑盡孝撫孤有成守節三十餘年現年六十一

蕭氏楊澤源妻年十九夫亡矢志撫孤備極勞瘁守節四十餘年現年六十二

瑞金縣志

卷九 節婦

五十

曾氏鍾文謙妻年二十三夫亡矢志撫孤守節三十餘年現年六十

盧氏鍾文櫛妻年二十夫亡矢志冰霜已苦守四十年現年六十

梁氏鍾章鑑妻年二十七夫亡守節矢志冰霜現年六十

楊氏儒童賴顯訓妻年二十七夫亡矢志孝養翁姑撫育幼子家貧績紡度日三十餘年足不踰闕現年六十二

楊氏賴顯誥妻年十八于歸越八載而夫亡苦志自誓撫姪爲子視如己出與嫂氏同心孝養老姑冰霜共勵現年六十

十

郭氏楊國耀妻年十六于歸越九年而夫亡矢志堅貞孀居三十餘年

曾氏儒童謝柏淳妻年二十六夫亡生一子甫數月矢志撫育凜冰霜者已二十餘年現年五十

楊氏賴德理妻年二十八夫故矢志撫孤冀其成立乃遺孤方昕早逝妻鍾氏年二十四亦堅志自守姑媳孀居形影相弔冰霜共勵者數十餘年楊年七十二卒鍾現年六十鄧氏楊國瓚妻二十五歲守節孀居三十餘年

劉氏雷振倫妻二十二歲夫死堅志自守初終不渝孀居四十餘年

瑞金縣志

卷九 節婦

五十一

張氏胡運才妻二十七歲夫亡遺孤僅三月氏矢志撫養備極辛勤事姑孝敬現年五十

劉氏陳禛佩妻年十六于歸二十夫故堅貞自矢孀居四十餘年

周氏謝柏明妻二十一歲夫亡守節苦志三十餘年現年六十

杜氏鄒有瓊妻二十五歲夫亡守節矢志靡他孀居二十餘年卒

劉氏賴樵村之繼室年十九于歸越三年而夫卒矢志守節撫前子如己出事老姑孝敬不違節孝兩盡現年六十一

黃氏羅之柯妻年二十七夫死守節堅志撫孤備歷艱苦現年六十

邱氏儒童陳受瑄妻年十九夫亡守節孝事翁姑撫孤教育年五十九卒

舒氏儒童鍾泰馴妻年二十六夫亡矢志自守年八十六卒  
鍾氏楊于玻妻年二十一夫亡守節矢志冰霜年九十餘以壽終

劉氏生員彭廷犖妻年二十九夫赴省鄉試抱病而歿氏聞訃哀慟欲絕親族多方勸解乃舍悲忍痛敬事舅姑撫養弱息苦節四十餘年七十六卒

瑞金縣志

卷九 節婦

五十二

沈氏鄒應賓妻年二十七夫死守節撫孤成立年八十四卒  
朱氏鍾秉穎妻年二十六夫亡憑棺嘔血幾絕姑慰之曰汝死其如兩歲孤何自是抑鬱悲哀形容枯槁越數月亦卒  
郭氏鍾秉侗妻年十八夫故撫一子又早亡苦節守貞六十  
一載壽七十九

周氏鍾承科妻年十四夫亡時夫僅十五歲生一子氏矢志撫孤教養成立煢煢幼嫠苦節二十餘年三十六歲卒後其孫才清選授直隸州倅

石氏劉元康妻年二十八夫亡翁姑早棄世生子二人竭蹶撫育備歷艱辛屬纊時囑其嗣良崇曰爾父墳相距族冢

誼屬一脈坍塌甚多爾可捐貲修砌毋令棺骸暴露崇遂如命歲事其親親之念尤爲女中僅見壽七十終迨後孫曾森立長孫超源食餼膠庠有聲鬢序

朱氏楊于著妻年二十五夫死無子繼夫兄次男爲嗣孝事老姑與姑同寢處者數十年五十一歲卒

顧氏胡君弼妻年二十夫亡堅貞守志孝事舅姑繼弟嵩之子爲嗣教讀成立孀居五十餘載壽七十七

鍾氏楊光潘妻年十七夫死無子矢志自守十餘年後始繼姪國楨爲嗣撫育成立年六十卒

楊氏鍾文林妻年二十夫死矢志守節撫孤教育有方現年

瑞金縣志

卷九 節婦

五十三

六十四

周氏謝遠中妻年十六于歸越七載夫亡遺孤二氏孝事翁姑撫育二子飲冰茹檠備極艱辛現年六十二

陳氏賴光魁妻年十九于歸敬事夫君孝養高堂二十五歲夫死守節撫遺孤二長輝立援例入成均次輝廷業儒氏現年六十

李氏郭信琴妻年二十七夫逝遺息三俱幼釋氏矢志靡他飲冰茹檠孝養舅姑撫子成立現年六十六

危氏劉大鵬妻年二十九夫亡子甫周齡矢志撫孤事奉舅姑克盡孝道後二年兒殤屢覓死所爲親隣覺救勸慰再

三繼胞兄次子爲嗣現年七十有二

謝氏楊方級妻年二十九夫亡遺孤五齡翁姑年邁妯娌勸令改適氏堅志不從日事紡績以孝養高堂撫育幼子現年七十有五

朱氏楊昌淮妻年二十一夫死產孤兒方七日矢志孀居三十六載撫子成立年五十有七卒

郭氏楊光芳妻年二十二夫死守貞現年五十五歲孀居已三十二載繼夫弟之子以續夫後

黃氏楊泰鑲妻年十八夫亡守節現年五十有七生子一孫一今子亦短折家貧身慘撫幼孫以續宗祧

瑞金縣志

卷九 節婦

五十四

池氏鄧洵招妻二十六歲喪夫守節冰霜苦志歷四十八載至七十四歲卒

陳氏楊于環妻年二十七夫忽暴亡矢志撫孤教養成立現年六十有二

黃氏楊國亮妻年十六于歸二十六夫亡守節孝事老姑教養孤子伶仃艱苦已四十餘年現年七十三

汪氏楊其彤妻年二十七夫亡撫育諸孤貞操自矢二子兩孫俱已成立七十三歲終

張氏劉良騰妻年二十二夫死守節生子一甫周齡初夫病革時憫其母子孤苦恐填溝壑囑其抱孤再適或者一綫



可延氏矢志靡他甘心凍餒受數十年難堪之苦撫孤成立得繼宗祧氏之力也壽七十有五終

賴氏太學生陳曉章之副室聰慧知大義年十七于歸善事嫡嫡亦相視如姊妹年二十五夫死嫡以身殉慨然曰吾有子不可死當撫孤以奉陳氏祀遂立志守節操持門戶任勞苦孝事翁姑翁常稱之曰孝婦教子嚴而有法子行一善事則爲之喜稍有過則憂形于色嘗曰汝孤也當思自立無貽汝父地下憂子亦謹遵不敢違今且見四世矣現年六十有七

張氏陳鼎堅妻年二十六夫死矢志守節事姑撫兒年八十

瑞金縣志

卷九 節婦

五十五

一卒

郭氏陳述先妻年二十六夫死無子哀慟迫切死而復甦者數次念翁老無依乃節哀奉翁撫幼叔宗晏承翁宗祧終身不苟言笑年八十一卒

劉氏陳勝達妻年二十夫死子幼飲痛守貞終其身以媳代子以母兼父年七十一卒

黃氏陳人和妻年二十五夫死子幼矢志撫孤年六十六卒  
謝氏陳文璧妻年二十二夫死子猶襁褓孀居三十餘年五十七卒

溫氏陳牧侶妻年二十一夫死無子苦志守節事祖姑孝祖

姑老凡櫛沐搔抑之事奉侍惟謹年六十七卒

黃氏陳協恭妻年二十九夫死冰操自勵年八十卒

李氏陳秀士妻年二十夫死苦節年八十六卒

黃氏陳兆瑞妻年二十三夫死子幼家甚貧撫孤守節年七

十一卒

李氏陳巨川妻年二十七夫死守節年六十九卒

周氏陳光暉妻年二十二夫死無子苦節自勵年五十七卒

楊氏邑庠生陳瑚妻年二十一夫死無子苦志守節年五十

九卒

宋氏陳光昇妻年二十一夫死立繼苦志守節年五十七卒

瑞金縣志

卷九 節婦

五十六

宋氏陳寰白妻年二十二夫死守節年六十二卒

張氏陳遜夫妻年二十四夫死守節年六十五卒

宋氏陳良任妻年二十二夫死守節年七十二卒

黃氏陳蒼璧妻年二十三夫死守節年五十八卒

謝氏陳越羣妻年二十夫死守節年七十三卒

曾氏陳伯喬妻年二十九夫死無子苦志守節繼姪爲嗣年

六十七卒

黃氏陳愧忠妻年二十四夫死守節年六十卒

譚氏陳會來妻年十九夫死守節現年四十二歲

宋氏陳泰遷妻年二十五夫死守節年四十二卒

朱氏楊將潢妻年二十八夫死孝養老姑撫孤守節年八十  
三卒

朱氏賴輔佐妻年二十七夫死孝養翁姑撫孤守節年五十  
八卒

羅氏賴模亨妻年二十夫死苦守二十餘載現年四十五歲  
楊氏李文蘭妻年二十八夫故奉侍老姑苦志守節現年六  
十有八

江氏陳長載妻年二十七夫故守節撫孤孀居五十餘年卒  
年八十歲

姜氏朱信績妻年二十六夫故守節撫孤孀居五十餘年現

瑞金縣志

卷九 節婦

五十七

年八十二歲

朱氏劉迴東妻年二十七夫故無子繼子又復夭亡姑媳瑩  
瑩冰霜苦守壽至八十餘卒

賴氏胡昌岐妻年三十歲夫亡辛勤教子紡績度日冰霜苦  
守已四十餘年現年八十一歲

王氏賴顯峯妻年二十夫亡矢志守節孝事翁姑撫孤成立  
卒年五十二歲

楊氏賴顯隆妻年二十四夫亡守節一子甫四齡立志撫孤  
未幾子殤以夫次兄第三子與夫弟之第三子爲嗣撫二  
子如己出舅姑存歿克盡孝道嫻黨稱之現年五十六歲

胡氏鍾敷恭妻年十九夫亡守節撫孤成立現年七十九歲  
胡氏邑庠生羅之翰妻年二十四夫故守節冰霜自勵已五十餘載現年七十九歲

郭氏羅家寶妻年二十夫故守節現年六十歲

黃氏賴定雋妻年二十一夫亡矢志守節撫孤歷五十餘年七十五歲卒

危氏賴昌璉妻年二十三夫故侍奉老姑黃氏兩世孤孀安貧苦節現年八十歲

羅氏鍾正軒妻年二十二夫亡守節現年七十九歲

李氏陳啓鳳妻年三十夫亡守節歷四十餘年至七十餘卒

瑞金縣志

卷九 節婦

五十八

黃氏章文煒妻年二十五夫故守節家貧無嗣澣衣度日撫姪如子爲之教養婚娶以延翁祧壽八十三卒

胡氏章文炎妻年二十四夫亡守節繼姪潼川知府榮之子爲孫捐田租七十石入綿江書院以助膏火壽八十四卒  
賴氏章繼錢妻年十九夫故頭觸地死復甦遺孤僅數月姑以年老子幼苦爲勸勉氏遵姑命嗚咽偷生孝事二年姑卒氏卽自縊死

曾氏章昌漢妻年二十三夫亡守節事姑盡孝現年七十八  
李氏章昌墉妻年二十三夫亡守節矢志冰霜現年六十九  
周氏太學生楊光泰妻年二十四夫亡矢志守節孝事舅姑

無子撫從姪國林爲嗣卒年七十歲

王氏儒童羅有豳妻年二十三夫死無子撫姪之騏爲嗣乃亦早世與媳謝氏形影相依撫孤守志年五十三歿

謝氏儒童羅之騏妻年三十二天死子幼仰事孀姑俯畜孤子姑歿喪葬盡禮教子以義方能有成立歿年八十六

陳氏羅之渠妻年二十六夫亡守節無子撫堂姪爲嗣冰霜自勵現年七十有二

李氏羅文道繼妻年二十夫故守節卒年六十七

董氏羅萬搏妻年二十七夫故守節事姑盡孝撫孤教育克有成立卒年八十七

瑞金縣志

卷九 節婦

五十九

王氏羅廷獻妻年二十三夫亡守節卒年八十一

鄧氏羅之昌妻年二十八夫亡守節卒年六十二

羅氏楊其助妻年二十三夫故守節撫姪爲嗣辛勤教養勵志冰霜現年六十歲

謝氏陳道安妻年二十五夫故矢志守節孝養老姑撫姪名標爲嗣辛勤教育克有成立現年六十二歲

鍾氏危雲岳妻年二十六喪夫矢志守節孝事舅姑備嘗辛苦卒年八十有三子光輝太學生

賴氏楊于健妻年二十七夫歿遺孤五齡矢志冰檠撫孤成立孝事翁姑年八十三終

賴氏楊會林妻年二十六夫亡矢志撫孤孝養翁姑守節二十多年五十餘卒

鍾氏楊元京妻年二十一夫亡守節繼姪爲嗣仰事俯育備極艱辛已歷二十多年矢志如一現存四十三歲

陳氏廖芳嶺妻監生陳企南之女杭州協鎮廖輝之媳年十六夫亡慟哭幾絕繼姪爲嗣孝事翁姑矢志冰雪族黨稱之

新增

溫氏孝廉楊會庠筮室性婉順未育孝廉客死豫章柩回搶呼欲絕親族勸慰迺慟忍節哀矢志堅守與嫡同居足不

瑞金縣志

卷九 節婦

六十

踰闕無何嫡旋卒遂撫嫡出孤愛逾己育未冠惜天繼姪家蘭爲嗣家愈貧志益潔日資紡績自給茹孽飲冰苦辛磨蝎至冬被葛絮日餽糠粥極人所最難堪者現年六十有六

賴氏劉元椿妻克嫻婦道孝敬舅姑生子三夫即病逝氏年二十九家貧無卓錫翼長三雛矢志貞潔日以女紅自給艱辛凍餒歷蝎不渝壽八十有七以無疾終孫冠芹捐授例貢生

鍾氏羅家玖妻年十三夫病危劇欲娶厭勝氏歸十六日夫竟亡遂矢志靡他栢舟自勵數十年如一日卒年七十一

歲

劉氏羅有通妻夫病故家徒壁立氏年二十二遺孤甫週期  
矢志撫育艱苦備嘗五十四歲卒

賴氏楊元紱妻夫死氏年二十四孀居守節志勵冰霜現年  
六十三歲

劉氏楊光棟妻年二十四夫即病故矢不再適苦節堅守現  
年六十九歲

楊氏賴光灝妻氏年二十九歲夫病遽殞堅節苦守栢舟不  
渝現年五十有九

李氏楊其蘭妻其蘭病故氏方十九歲晨夕號痛哀慘不忍

瑞金縣志

卷九 節婦

六十一

聞隣里再三勸慰迺強忍矢節堅守苦志不渝六十三歲  
卒

賴氏楊于明妻二十三歲夫歿孀居節苦卒年七十有一

鍾氏楊元偉妻克嫻婦道敬相待如賓年二十一而夫亡貞  
潔苦守初終不渝現年六十歲

劉氏趙登榮妻氏年二十三歲夫遂病歿節堅苦守現年六  
十歲

謝氏朱成挺妻氏年十六未育而成挺卒矢志靡他栢舟勵  
節繼姪爲嗣現年六十歲

鍾氏梁弼臣之妻和婉孝順琴瑟甚調妯娌皆愛敬年二十

未育夫遽病歿氏慟哭呼搶累暈絕勺飲不入者旬日親  
隣苦勸慰因念翁姑老邁姑忍哀矢志守貞孝事雙親曲  
意承順未幾翁卒氏哀毀盡禮遂日侍姑寢處廷不踰闕  
若姑稍不懌氏即惕惕悚懼必多方承迎得姑歡乃已繼  
姪爲嗣卒年五十三歲

賴氏楊元梓妻年二十五夫故守節撫孤備極勞瘁至八十  
一而終

楊氏鍾之驊妻年二十三歲夫死矢志撫孤子六十四歲卒  
劉氏鍾遙熙之妻年二十八歲夫死守志撫孤兒至於成立  
六十歲卒

瑞金縣志

卷九 節婦

六十二

吳氏監生楊家駿副室溫惠有賢德年二十四而駿亡協嫡  
主持家政備極勤勞撫遺孤世秀卓有樹立現年六十四  
歲

郭氏楊會南之妻幼時歸門年二十九夫亡家貧習艱苦撫  
二子成立命次子讀書應試訓甚嚴現年五十五

洪氏監生楊會淦之妻夫死時年二十三守志奉公姑以孝  
聞撫孤兒至四齡殤大慟繼姪家選爲嗣教育兼備學憲  
張獎以葆貞勵節匾額年七十五歲卒

賴氏胡昌碧妻年二十九夫歿守節舅姑年老奉事甚周堂  
上稱其賢撫孤子國鼎成立奉舅遺命使就塾讀書學成



入邑庠氏七十二歲卒

曾氏胡昌碧之妾事嫡室賴氏甚恭年二十一歲夫歿與賴氏同守志節奉事舅姑生遺腹子國鼎涕泣撫育賴氏使國鼎學氏督勉尤切國鼎入庠鄉族稱一門雙節之報氏六十一歲卒

鍾氏國學生楊會言之妻夫亡時氏年十八矢志守義敬奉舅姑繼胞弟會財子爲嗣撫養教誨現年六十九歲

洪氏胡昌發妻年二十二歲夫卒矢志守節撫二子成立現年五十二歲

賴氏生員鍾道燮之妻年二十歲即稱未亡人守節撫孤水

瑞金縣志

卷九 節婦

六十三

霜比潔治家禮法井然子觀坡孫光釗皆使讀書數十年間鄉族稱賢卒時年六十七

陳氏楊國淮之妻年二十四夫卒無子氏矢志守節奉事舅姑甚謹繼夫弟國泗之子泰樟爲嗣撫育教誨旣長命習禮義親老成家道小康門內整肅八十九歲壽終

楊氏江祖開之妻生三子次出繼寡嫂爲嗣氏二十六歲時夫歿矢志守節事翁姑撫長幼二孤備極勤勞現年六十八歲

楊氏江祖闌之妻年十六歸江門踰歲夫卒無子誓不改嫁栢操自勵瑞靜寡言動立繼爲嗣娶媳生孫繼又早逝與

寡媳劉氏同耐艱辛撫孫課讀現年六十五歲

賴氏楊國宜之妾年二十四夫亡守節撫孤子泰貴成立治家有方遂創產業現年六十七歲

劉氏楊泰純之妻夫卒時年二十四歲守節生遺腹子殤氏矢志靡他苦耐飢寒四十四歲賚恨以死

郭氏楊光芳之妻年二十三夫亡守節繼夫弟光萱之子爲嗣子中年病卒氏煢煢獨處境愈艱辛至六十六歲乃卒  
鍾氏丁世信之妻年二十九夫歿家極貧矢志守節有孤子六人撫之成立使習業至孫鴻讀書成名氏親見之年八十乃卒

瑞金縣志

卷九 節婦

六十四

楊氏劉安聰之妻年二十七時夫以病卒無子繼堂弟安珍次子爲嗣氏守志撫子成立歷盡艱辛年五十一而卒  
楊氏劉亦榮之妻年十六歸亦榮至二十歲稱未亡人時翁姑在堂子幼氏矢栢舟志上事翁姑下撫幼子不憚勞苦現年七十歲

劉氏鄭永河之妻年二十九歲夫死無子守志至七十七歲而卒

袁氏曾宣銘之妻年十九夫死守志四十餘年至六十歲卒  
鍾氏袁秀繁之妻年二十五稱未亡人矢栢舟節勵水雪操家法極嚴肅撫孤觀鵬成立親見五代現年八十三

鍾氏陳檉贊之妻年二十歲夫歿守節撫孤子成立子以二十七歲亡氏煢煢獨處紡績度日數十年言動甚謹現年七十五歲

賴氏楊國芹妻年二十四夫死守節遺一孤子泰柱娶媳賴氏甫生一子而泰柱又亡時媳年二十二家奇貧氏與媳性命相依艱苦萬狀撫一幼孫至於成人氏現年七十有五

楊氏黃榮莊妻貢生學麟之祖母也年二十九夫亡矢志守節家貧而孤子尙幼氏日夜勤紡績以佐饗殮間或餽粥不繼而節彌堅而守益力數十年如一日卒年七十有五

瑞金縣志

卷九 節婦

六十五

楊氏林枝翠妻恩貢會桃之姊也年二十三歲守節撫孤孀居二十餘年至四十八歲而卒

胡氏房星耀妻年十八歲而寡遺腹生一子氏日夜勤劬鞠育彌至以養成人氏卒時五十有四

周氏劉德柯妻夫客死於閩聞訃痛哭嗚咽幾不欲生時氏年二十八因念上有舅姑下有孤子乃節哀自守親持家政備極艱辛事舅姑以孝聞撫孤子卒自成立長子克容例貢生氏卒年六十

劉氏楊威三之副室年十八夫死守節卒年五十有三

黃氏楊家作妻年二十一歲天死矢志守節備極勞苦無子

撫姪爲嗣現年四十七

劉氏陳名榜之妻年二十八歲夫亡撫孤守節孝事翁姑備嘗艱苦年六十二歲卒

朱氏劉德安妻年十八歲未生育夫卒繼服兄子爲嗣謹事翁姑撫恤紉嗣族人罕有見其面者守節三十餘年卒

鍾氏鄒勝東之妻年二十二夫亡生一遺腹子矢志守節耐苦撫孤閱三十九年六十歲卒

楊氏劉名發之妻年二十五夫病卒守節撫孤教誨殷勤持家嚴肅年六十一卒

謝氏監生劉德儀之妻年二十八夫亡守節撫孤栢舟自矢

瑞金縣志

卷九

節婦

六十六

孝事姑嫜婦兼子道數十餘年艱苦備嘗年六十八歲卒  
楊氏儒童劉秀賓妻琴瑟甚調夫病歿氏年二十五慟哭哀毀累欲相從家人力勸迺矢志稱未亡人寡守貞潔節勵冰霜卒年七十八歲

毆陽氏拔貢楊元愜長子會菖之妻會菖病卒氏年二十四守節撫兩孤子奉舅姑以禮舅姑既逝教兩孤甚嚴持家甚謹現年四十六歲

游氏劉宗西之妻年二十四夫亡矢志守節教子成立孝事翁姑現年五十五歲

劉氏曾佐亭之妻年二十夫亡矢志守義撫遺腹子伯魁教

養兼備事翁姑甚謹宗族稱其孝義無忝焉年五十歲卒  
劉氏曾伯魁之妻十五夫以苦讀病篤矢志守節依孀姑以  
爲命撫繼子以成人心如鐵石志苦冰霜現年六十九歲  
鄧氏監生謝先宗之妻年二十二夫亡矢志撫孤足不出戶  
事上處下從未聞有詬誶聲族黨中稱母儀焉年五十六  
歲卒

劉氏謝先密之妻年二十四歲未生育夫亡守節繼一子撫  
之成立待妯娌以和睦事翁姑以孝謹年五十八歲卒  
鍾氏邑庠生謝立之之妻生子二年二十四夫亡矢志冰霜  
言動克謹孝事翁姑和睦妯娌教子成立年六十七卒

瑞金縣志

卷九 節婦

六十七

楊氏謝先寰之妻年二十五有子二夫亡矢死靡他奉事姑  
嫜撫子成立年六十四卒

朱氏邱開錄之妻年二十五有子二夫亡矢志守節貞靜自  
守奉事翁姑和睦妯娌年六十六歲卒

張氏翁文江之妻年二十九夫亡撫養孤子教以禮法有貞  
靜幽閒之性無疾言厲色之愆艱苦備嘗不奪其志年七  
十九卒

楊氏謝遠澐之妻年二十六歲夫亡守志撫孤備嘗艱苦霜  
松雪栢歷久不渝而宗族咸稱之焉年五十歲卒

范氏劉名翰之妻年二十九夫亡守節撫孤有截髮剝薦之

風無疾言苟笑之失飲冰茹蘖矢死靡他現年七十二歲  
陳氏劉名馨之妻年二十五夫亡矢志撫孤堅貞自守奉事  
高堂孝敬純篤現年六十三

梁氏鄒日輝之妻年二十一夫亡撫孤守節志凜冰霜節堅  
松栢子成立訓誨愈篤族祖靖贈歐母風徽匾額以表其  
志壽七十四

胡氏鄒道郡之妻年二十二夫亡撫孤守節日以紡績度活  
艱苦備嘗立志勿二現年六十二

廖氏劉大絲之妻年十八夫亡撫繼子成立鐵面冰心禮法  
自守族人罕見其面年五十三卒

瑞金縣志

卷九 節婦

六十八

陳氏鄒明裕之妻年二十六夫亡繼嗣撫養守節不二治家  
有法一門肅然年七十八卒

劉氏鄒學藹之妻年三十夫亡守志教兒孫以禮法命之讀  
書多力學成名者數十年門庭穆然壽八十三

楊氏鄒有芑之妻年二十七夫亡撫孤守節孝翁姑操持家  
務宗族咸稱其賢壽七十九

鍾氏鄒勝揆之妻年二十四夫亡撫孤守節孝事翁姑和睦  
妯娌數十年克修婦德壽七十三

謝氏張盛綬之妻年二十四夫亡僅一子矢志守義撫孤成  
立翁姑必恭以敬家風肅然鄉族稱善年五十三卒

范氏胡希勝之妻夫死氏年二十六家貧撫孤苦節堅守艱辛磨蝎事姑惟孝享壽七十有七

鍾氏劉起喬妻年十九已生二子夫遂病故矢志堅守苦節自廿八十四歲避亂山寨遭逆殺斃

湯氏嬰祿爲本城危光鵬妻年二十四祇產一女光鵬客死閩漳氏聞訃慟不欲生親隣勸慰始節哀矢志閉戶獨居外家距數室慶弔外未嘗歸甯初夫死伯兄危光鴻商貿頗裕繼一妻性奢靡氏心非嫂行隱憂之後伯兄故家遂落嫂果求去氏不能留乃撫孤姪紡績操作艱辛備嘗現年六十歲

瑞金縣志

卷九

節婦

六十九

楊氏儒童謝茂鯨之妻年三十生子甫三齡夫病故慟欲身殉親隣以姑老雛弱相勸唁遂矢志稱未亡人不踰閨闥朝夕勤紡績以女紅度日養姑訓子艱苦備嘗三十餘年如一日六十四卒

謝氏楊世鴻之妻年二十六生二子長衍堂甫六齡次衍堯遺腹生世鴻病故氏慟欲身殉因念姑廖氏三十三守志邁病無倚遂矢志柘舟養姑撫雛姑年八一忽遘異疾半體痿氏朝夕醫調侍養鞠瘁三年如一日今姑年八三尙安無恙人咸稱孝感所致氏現年五十七歲

楊氏儒童劉世棻之妻年二十二生子甫兩月夫亡氏慟欲

偕逝親隣慰勸遂矢志靡他守節撫孤卒年五十有二  
宋氏陳祖倫妻舉人陳承蘭長媳年二十九而寡栢舟矢志  
撫養遺孤時翁姑既老叔齒尙穉一切家政需氏區畫氏  
孝順勤謹深得高堂歡孀居歷數十年里黨無非儀事聞  
學使給匾旌之曰金石貞操卒時年八十  
闕氏陳承漑妻及笄于歸事翁姑克孝年二十九而漑亡遺  
孤二祖性祖惟皆未屆毀齒氏冰霜自矢撫育殷勤嗣因  
娣婦鍾早寡憫其賢而乏嗣以次子祖惟承繼之使得享  
安節里人咸欽其風年五十八歲卒

鍾氏陳承法之妻年二十四未育而寡撫夫兄遺孤祖惟爲

瑞金縣志

卷九 節婦

七十

嗣辛勤教養得致成立其貞靜淑慎與妣闕氏相媲美人  
稱一門雙節卒時年八旬

鍾氏陳年峭妻年三十爲嫠婦現年八十一歲守節四十餘  
載撫孤成立主持家政備歷艱辛從無耳其怨聲諍語者  
族黨賢之

劉氏鍾文閭之妻年十五生一子章琇甫六月而閭以疾亡  
氏慟劇翁姑數勉以大義乃節哀強起肩仰事俯蓄責貞  
心苦志凜若冰霜奉高堂數十年勤謹岡間逮翁姑逝居  
喪能盡禮章琇時已成立氏日勉以行善建橋修路行人  
便之咸豐初厥孫名庚者在庠頎然有聲狀節孝事請旌



於張學使學使給匾表之曰心盟古井七十一歲卒

溫氏儒童李昌薌妻年二十四夫死守志孝事翁姑十餘年起居出入追隨無違甚得姑歡姑歿後主持家政課子勤讀成名鄉里稱賢現年六十有六

梁氏縣丞李榮夔妻年二十八夫死守節玉潔冰清孝事翁姑課兒勤讀成名歿時年五十八

曾氏鍾文謙妻年二十一夫歿家貧守節撫遺孤章盛年甫及壯又以疾亡所遭備極難堪幸媳賴氏亦賢淑有志自矢靡他數十年相依孀居撫兒成立氏得以慰卒時年七十四

瑞金縣志

卷九 節婦

七十一

賴氏鍾章盛妻二十九歲夫歿守節事孀姑克孝育遺孤有成五十七歲卒

鍾氏宋遠萌之妻萌亡時氏年二十九家貧守節遺孤一不幸而歿氏矢志彌堅撫一幼孫朝夕黽勉爲人紡績紉鍼獲貲以度活現年七十四

鍾氏文童劉京海妻二十七歲而寡家貧甚有子四辛勤教肅得以成立今家獲小康長次子皆援例入監現年六十歲

劉氏儒童鍾章峻妻年二十三而寡矢志守節備歷劬艱今七十二歲

鍾氏劉京位之妻年二十五爲嫠婦操守堅貞今五十七歲  
王氏鍾文詡妻二十九歲而文詡亡氏年今六旬有九守節  
數十年如一日

洪氏鍾章性妻年二十九夫歿矢栢舟節至今年八十歲

賴氏鍾遙相妻夫亡矢志守節其時年二十七現年六十四

廖氏鍾郁周妻二十三歲夫亡貞靜守節現年七十四歲

徐氏鍾成鎧之妻徐茂求長女也幼歸夫家年十六夫婦未

成禮而鎧已歿氏誓不再醮艱苦備嘗四十餘年之冰雪

清操鄉里人咸稱之

羅氏鍾遙蘭妻年二十七而寡一子尙幼遺腹得產男撫二

瑞金縣志

卷九 節婦

七十二

孤貞靜守志從無異言現五十七歲

鄒氏鍾之柱妻夫亡時年僅十四尙未成合巹禮銜哀矢志  
決不再醮守節數十年介於金石前學廖駒龍作楹聯表  
之云十四載未婚之節行道酸心亟賴表章以資風化一  
百年從壹而終前程努力須知磨鍊正在艱辛

宋氏鍾傲基之妻年三十而寡遺孤甫四歲又有猶子幼失  
怙恃倚之以活氏念一身爲二孤所係節哀守志備極劬  
勞子姪藉得成立計守節三十五年

賴氏鍾章綸妻年二十七夫歿守志撫二遺孤教養兼至得  
致成立長遙蘊監生善體母心宗族稱孝次遙苔於咸豐

七年粵寇擾境卒衆與戰力竭嘔血而亡人皆謂二子以忠孝聞皆氏有以啟之今六十七歲

羅氏鍾章紳妻年二十七歲夫亡守志撫二孤教育有方奈二孤相繼妖亡遺一孫亦殤繼一孫又殤安節當亨而困頓至此人甚憫之歿於六十五歲

羅氏鍾章才妻年二十七無夫矢志撫二遺孤勤儉持家而事姑尤謹姑患足疾侍奉十餘年朝夕不離左右姑嘗以賢淑稱之而人無間言現年七十

賴氏鍾文培妻年十九夫亡守節撫遺孤一長爲娶婦獲生一孫而孤中折家遂益落護幼孫紡績度活受困苦六十

瑞金縣志

卷九 節婦

七十三

餘年至八十而終

蕭氏鍾章瑯妻瑯歿時氏年二十遺孤甫三歲銜哀教育曲費苦心孀居五十餘年比潔冰玉親戚罕見其面現年七十有七

劉氏監生鍾泰衛妻夫歿時年二十八矢志堅貞清操足式教育遺孤成克家子今孫曾多而且賢人咸謂氏貞淑之報八旬時前學師陳題匾壽之曰松柏盟心

毛氏梁立任之妻夫亡時年甫十八矢志守節孝事翁姑撫孤成立七十一歲卒

曾氏溫啟華妻年二十七而夫故家貧姑老四遺孤皆釋氏

堅貞守志事畜維勤家道賴以平康孫曾獲見林立至八十一歲卒

鍾氏梁立佐妻年二十一夫亡守志孝養翁姑撫孤成立卒時五十五歲

古氏曾承珠妻年十九夫故無子慟劇以翁姑慰勉備至許爲繼嗣姑矢節孀居奈爾時諸姪年齒無當出繼者遂未果逮年四十餘爲叔承琮娶妻踰年獲舉一子氏乃撫養爲嗣現年六十

涂氏武生曾連三之妻年二十一夫故遺孤二皆幼氏殷勤撫育底於成立現年六十四

瑞金縣志

卷九 節婦

七十四

李氏梁奉郊妻年二十五夫故守節盡力撫孤現年五十四歲

劉氏梁澤敷妻年二十四夫亡矢志守貞竭力撫孤年七十八歲

鍾氏賴滙川之妻年十八而滙亡遺一孤千驛氏殷勤撫育既長爲娶婦劉舉孫甫六歲而千驛又歿氏與媳相依孀居現年七十

宋氏賴方畧之妻夫歿於年十八時僅育一女堅貞自守孝養翁姑現年七十六

劉氏賴千琳之妻年十七夫故遺腹生一子矢志守節撫育

成人現年五十五

宋氏賴方洲妻年二十八夫亡守節撫孤得致成立卒年六十一

李氏儒童曾繼榮妻十六歲于歸勤謹孝順得高堂歡年十九身孕而夫亡翁姑勉以安命保重爲延一綫之傅氏爰不敢決烈順變節哀以居夫喪踰數月生男承璨遂一意守貞殷勤撫養底於克成家目覩孫曾林立秀出者蜚英鬢序矣年至七十有六

劉氏生員曾光葆之妻年二十六而寡遺孤二皆幼氏守節撫孤至於成立現年六十

瑞金縣志

卷九 節婦

七十五

李氏陳承拱妻年二十一歲夫亡守節年七十六卒

伍氏陳承托妻夫亡時年二十八守節至六十九卒

羅氏朱格暉妻年十六夫故矢志守節孀居五十八年卒年七十四歲

鄧氏楊國瓚妻年二十八夫故守節四十餘年卒年七十五歲

許氏毛萬遠妻年十八夫因母歿以哀毀過得羸疾卒氏截髮矢志爲夫立嗣性貞淑姑病湯藥必親進衣不解帶以孝謹稱年四十六卒

胡氏監生毛長峻妻年二十八夫故氏誓不再生願與死同

穴妯娒勸止之撫二幼孤孀守屏居一室雖至親罕見其面年五十一而卒長嗣發英邑庠生

張氏毛長仙妻年二十五夫病篤氏祝天願以身代未幾卒矢志靡他遺孤僅五齡又遺腹生一子氏撫二幼孤克有成立守節至八十一而終

陳氏毛發蔚妻年十七歸發蔚夫婦相敬如賓翁早喪事姑孝謹無何發蔚以失血歿氏年僅二十六遺孤甫五齡氏誓不欲生冰漿不入口者數日姑泣諭以撫孤延宗祀爲重死愈以傷夫志氏謹承姑諭一切家政櫛櫛支持屏鉛華甘淡素數十年門內外肅如也姑死殯葬如禮纖毫無

瑞金縣志

卷九 節婦

七十六

憾壽至七十六歲

楊氏監生毛秀峙妻年二十四夫故孀守翁早卒事姑孝養得歡心撫孤茂堂克有成立無何茂堂亡媳亦相繼歿撫諸孫教養婚配備歷艱苦壽七十七而終長孫其標邑庠生

黃氏毛長敏妻年十八歸夫家踰年長敏卒氏痛哭幾斃外家勸其改適志堅不可奪時翁姑無存二叔俱幼氏撫養備至後十餘年姪發標生遂立爲夫後壽六十八而卒

王氏鍾盛粹妻年二十三夫故矢志守節撫二幼孤教養有方年四十四卒

楊氏張紹椿妻年二十六夫故遺孤方瑚方及週氏矢志堅  
守躬親家政操理有方用克致家饒裕方瑚蜚聲璧學氏  
年六十六歲卒

鍾氏鄒勝揆之妻年二十四守節奉姑孝養備至弱孤纔一  
歲撫之成立諸孫皆命之讀書壽至七十三而終

程氏劉科曾之妻年二十五歲守節七十歲卒

吳氏楊枝漢之妻二十五歲守節七十歲壽終

曾氏鄭日榮之妻二十六歲守節撫孤卒年六十有九

李氏吳愈祥之妻年十九歲守節卒年八十有三

盧氏管以藻之妻管希曾之三媳守節敦修婦道孝奉翁姑

瑞金縣志

卷九 節婦

七十七

七十有八歲卒

楊氏附生鍾道驤妻年二十三守節撫二孤皆成立現年七  
十有二

鍾氏賴千霄之妻年二十一而寡矢志撫孤謹事翁姑家雖  
澈貧從無異志年已六十餘矣

曾氏梁志羽妻年二十五夫亡遺孤甫三齡氏矢志撫之稍  
長延師教讀得以成名年已六十五歲

鄒氏梁學素妻年二十一夫亡事親撫孤殷勤備至卒時年  
五十五備

游氏梁志亨之妻年二十四歲爲嫠婦從無非儀現年七十

九

楊氏梁學海之妻年二十四歲夫亡守節育孤成立年五十七卒

劉氏羅有通妻年二十三甫生一子而夫遽亡氏守節撫孤備極勞瘁孀居三十餘年五十四歲卒

朱氏武生楊元驥妻夫亡時年二十一氏願從一而終遂矢志守節無子撫姪會堪爲嗣不幸又早逝復以會坊爲嗣氏撫養鞠育恩義兼盡子會坊英年入武庠現年六十

劉氏楊其連之妻和婉有順德琴瑟甚篤年二十四其連病殂氏矢志不再適寡守苦節卒年七十有二

瑞金縣志

卷九 節婦

七十八

鍾氏楊于湘之妻克嫻婦道雅敦好逑夫故氏年二十八暨節苦守貞潔不渝六十六歲卒

楊氏胡國秀之妻孝謹賢淑相敬如賓氏方二十六歲夫遽病殞氏呼愴哀慟遂矢栢舟甘節貞守八十七歲卒

鍾氏胡運富之妻雅敦敬愛伉儷相莊夫歿氏年二十五歲矢志不他適苦節自甘數十年如一日現年六十一歲

楊氏劉德萃之妻孝順而賢伉儷篤琴瑟氏年二十二夫病遽殞遺孤甫三齡呱呱在襁而貧窶無卓錫氏矢志苦守

撫孤成立遂竭力完娶奈旋殂遺腹生一孫氏方慰撫不幸亦殤煢子無依蝎磨備歷甚至啗糠綴絮凍餒不堪乃



處之白若數十年無稍渝現年五十有九

楊氏高榮學妻年二十三歲夫病故遂矢志守節家奇貧遺孤方三歲氏親耕種度日不辭勞苦撫孤成立年至六十五而終

楊氏劉良淳妻年十八許字良淳未曾合卺而夫遂亡氏聞訃奔往夫家終喪守節繼姪起厚爲嗣訓甚嚴舉動必以禮法後嗣子援例授經廳職壽至七十八歲終

鄒氏楊其寶妻賦性和順克盡婦道夫沒時年三十氏潔清自矢親操家政遺孤二熊丸課讀有柳母之遺風子元芹邑庠生孫會梓青年食餼人咸謂苦節之報云年六十九

瑞金縣志

卷九 節婦

七十九

卒

涂氏劉起班妻年二十九夫亡遺孤甫六齡氏矢志撫孤備嘗艱苦以養成人目今孫曾繞膝家道日隆現年八十歲

張氏鍾觀崑妻年十八喪夫孝姑撫孤守節四十八年卒

潘氏楊邦忠妻二十二歲守節撫孤卒年八十二

黃氏傅睦挺妻二十二歲夫亡家貧苦守現年六十六

洪氏楊愛炤妻二十七守節卒年五十四

陳氏李振檉妻十六歲歸門二十一守節撫孤成立現年六

十六

楊氏謝祖熙妻二十一歲守節現年五十歲

溫氏楊光永妻十八歲守寡生子國芳娶媳吳氏至二十八歲亦寡姑媳二人苦節自守溫氏壽終八十一歲吳氏至八十一歲遇髮逆被殺

張氏楊國份妻二十八歲苦志矢栢舟壽至七十六終

賴氏胡運勲妻年二十四守寡無子繼姪會榆爲嗣年五十七卒

羅氏胡運協妻夫早亡撫二孤守節六十八歲終

鍾氏劉輔漳妻年二十一夫亡守節孀居三十餘年五十六卒

李氏胡會羣妻年二十六而寡遺孤甫七齡矢志守節現年

瑞金縣志

卷九 節婦

八十

五十六

鍾氏胡會竒妻年二十七夫亡無子撫姪爲嗣現年六十七  
陳氏監生郭青暉妻年三十夫亡家貧守節現年七十

王氏郭青漢妻年二十八夫亡守節卒年五十一

黃氏劉秀愷妻二十六歲夫死守節備嘗艱苦現年六十一  
朱氏楊其宇之妻年二十六矢志冰霜卒年六十一

廖氏楊家龍妻年三十歲守寡現年八十五

張氏楊家著妻年二十九而寡現年五十三

鍾氏楊元鼎妻二十二歲守節繼姪爲嗣現年五十八

楊氏江維晉妻年二十夫亡守寡繼姪爲嗣現年六十四

楊氏江德宏妻二十四歲矢志守節現年六十七

鍾氏胡奕樟妻年二十二夫歿生男纔十餘日撫孤守節五十三歲

余氏胡志枋妻二十三夫亡矢志堅守六十三卒

劉氏胡世華妻年二十七守寡堅貞自矢卒年五十五

李氏陳貴瑞妻年二十夫歿遺腹生一子撫養成立氏卒年五十二

胡氏謝先洲妻年二十七夫死無子撫姪爲嗣堅志孀居現年六十七

劉氏呂家文妻二十七夫亡生一子庠生呂輝氏守節七十

瑞金縣志

卷九 節婦

八十一

六終

劉氏詹武鳴妻二十四守節撫姪爲嗣八十七歲終

曾氏廖榮崑妻二十九夫亡守節七十三歲終

胡氏詹忠俊妻二十二而寡家貧守節六十歲卒

何氏監生陳光日妻年二十七夫亡矢志守節訓孤撫孫備極辛勤現年七十九

何氏陳泰遠妻年十九于歸越七載夫亡遺一子數月又殤隻身無措家奇貧母憐之欲令改適氏堅守不奪潛然曰天忍使吾夫絕嗣吾不忍吾夫鬼餒日惟紡紉度活并供祀夫粢盛苦節三十載現年五十六

謝氏監生鄭章台妻年三十守節現年六十四

楊氏武生鍾盛衢妻二十一歲守嫠七十二終

賴氏鍾之京妻二十八夫亡篤志守寡壽終七十五

黃氏鍾觀珠妻二十六喪夫守節自矢七十六終

賴氏庠生鍾德輝妻二十三歲孀居歷四十餘年現今六十

七

雷氏鍾道琅妻二十七歲矢志守節現年六十七

梁氏鍾上達妻年十八而寡無子舅欲奪其志氏擲碗於地

以自誓曰如吾或嫁視此後得繼嗣守節以終

朱氏楊會盟妻年十八矢志居孀現年五十八

瑞金縣志

卷九 節婦

八十二

曾氏劉德泣妻二十八夫故生男甫二齡守節撫孤卒年五

十五

洪氏劉葵良妻二十二冰霜厲志五十六歲卒

張氏許建禧妻年二十夫亡守節自矢現年六十三

盧氏張一儒妻年十八于歸僅四十餘日夫亡守節孀居冰

清玉潔足不踰閨門者數十年後繼胞弟武生一傳之長

子爲嗣殷勤撫育至於成人氏卒年五十七

鍾氏監生賴顯詔妻年三十夫亡守節至八十三終

賴氏邑庠生鍾觀煜之妻年二十三歲夫亡守節現年六十

七歲

劉氏楊國儲妻年二十九歲夫故遺孤甫二齡矢志守節孤  
七齡遽殤氏號慟欲絕不願復生親屬再三慰諭勸繼親  
房國佛之子泰荃爲嗣撫養教誨至於成立目今蘭孫挺  
秀現年五十有九

楊氏王順忠之妻年二十八順忠以疾卒遺一孤子名官仁  
年尙孩提家徒四壁母子煢煢孑立壽至七十而終

張氏王愧長之妻年三十夫喪家極貧子幼日受凍餒父母  
欲奪其志婦則以死自矢栢舟勵節年七十九而終

李氏王順志之妻年二十六夫喪遺孤子二長官通次官廷  
俱屬孩提婦誓不再醮守志撫孤孀居四十餘年備極勞

瑞金縣志

卷九 節婦

八十三

瘁現年七十

胡氏王官儒之妻年二十七夫喪遺二孤子俱屬孩提家奇  
貧惟紡績以度日現年七十有七

劉氏鍾家蘊妻年二十六祇生一子而夫喪家極貧矢志苦  
守現年八十六

劉氏鍾之韶妻年十九夫卒祇遺一女經霜耐雪苦守無怨  
言現年六十一

鍾氏楊會言之妻年十九夫喪無子堅志苦守繼堂姪爲嗣  
旣而妖折復繼胞姪以承宗桃現年六十一

鍾氏羅積英妻年二十七夫喪守一孤子年及冠而孤子又

亡瑩瑩子立現年六十歲

劉氏王文進之妻年二十五夫喪遺孤子一年尙孩提家奇貧恃紡績以度日不幸孤年二十以疾卒氏慟哭幾不欲生壽至六十八而終

許氏王清億之妻年三十夫緣疾卒遺二孤子長年僅五齡家極貧衣食不給氏日夜勤紡績以佐饗殮二孤賴以成立現年六十有五

龍氏王定濱之妻年三十夫緣疾喪遺孤子三家奇貧氏守節愈堅艱苦萬狀養育成人現年七十有三

劉氏國學生鍾海濤妻夫歿時年二十八矢志堅貞清操足式撫二孤長文珽貢入成均長孫章梓又入雍宮今孫曾林立人咸謂節婦之報云卒年八十有三

鄭氏劉良湖之妻年十八夫死未育苦志守節繼胞伯良洲之子大和爲嗣後捐授州同職年七十三而卒

賴氏楊于健之妻年二十七歲于健病故氏矢志苦守艱辛貧窶蝸磨備嘗壽八十三歲卒

劉氏監生楊會儀之副室于歸未逾歲氏方十七未育夫遽病不起氏矢志不甘再適貧艱備歷冰霜不渝卒年五十一歲

張氏楊會栢之妻年二十六歲夫卒遺腹生子家瓊撫養成

立教以禮義守節三十一年五十六歲終

童氏廩生鍾道琛之妾年十六歸道琛道琛號玉方年二十餘才藻瞻麗欲覓一漆香洗硯者得氏甚喜左右吟席端靜寡言次年夏玉方病革謂氏曰若年小事余未久余倘不起若歸母家作女兒可也氏曰妾雖微亦知從一而終之義既事君死矢靡他玉方曰果爾則吾慰矣玉方卒氏銜哀毀容自是襄內政雖羸瘠不辭勞待家上敬下和而言動肅慎不出戶庭數十年如一日現年五十七歲女黨稱其貞淑可傳氏曰分所當爲何敢邀名值修邑志鄉族特爲述之

瑞金縣志

卷九

節婦

八十五

梁氏歐陽于材之妻年二十夫亡守節撫孤現年七十歲

楊氏王文洽妻十九歲夫亡矢志守節撫孤年七十八卒

劉氏鍾章昉妻夫故時年二十九歲矢志守節備嘗辛苦至八十六歲終

羅氏楊會純之妻年二十一歲歸門次年生一子夫遂亡撫養孤兒立志守節數十年卒時六十三歲

鍾氏朱昌禱之妻年二十六夫亡遺孤子二矢志守節撫孤成立六十六歲卒

楊氏朱振俊之妻年二十四夫卒守節撫孤備嘗艱苦現年五十歲

楊氏朱振儲之妻年二十二而寡有孤子一撫養教誨伸衍  
宗緒現年四十七歲

唐氏朱禮瓚之妻年二十六夫以病逝有孤子二撫之成立  
數十年飲冰茹荼卒六十五歲

曾氏謝本雯之妻年二十二夫亡矢志守節家貧以紡績度  
日撫孤子成立七十七歲而卒

鄧氏鍾章綾之妻年十九夫以疾卒矢志守節艱苦備嘗現  
年六十歲

郭氏朱崇連之妻年二十八歲夫卒撫二孤子成立上事姑  
嫜能盡婦道既娶媳教以禮法諸孫繞膝一門雍然現年

瑞金縣志

卷九 節婦

八十六

六十歲

張氏江上何之妻年十八歲夫故矢志守節事姑盡孝年七  
十有一而卒現今子孫多而且賢人皆以爲氏節孝之報  
云

胡氏儒童謝仰東之妻二十九歲守節六十歲病故繼夫弟  
畫三次子監生作舟爲嗣

黃氏鍾文濤妻年二十七夫死守節撫孤兒至於成立壽至  
九十二卒

楊氏鍾文浚妻年二十四夫死遂矢志柏舟冰霜自勵孀居  
三十餘年卒時五十有七



廖氏鍾遙儀妻夫歿時年二十二乃勵志清操艱貞自守足不踰閨闈雖至戚罕見其面卒年四十有四

賴氏鍾遙位妻年二十五苦志守節始終不渝數十年如一日年至六十五卒

楊氏鍾章芾妻年二十八歲而寡守節撫孤備極勞瘁現年七十三歲

劉氏鍾晉沛之妻年二十五歲夫死矢志守節撫孤成立現年八十一歲

周氏武生楊國炳之妻年二十七歲夫亡遂矢志靡他甘心守節撫子達峯英年入武庠氏年五十八而卒

瑞金縣志

卷九 節婦

八十七

李氏監生鍾觀壘之妻夫歿年二十八歲守節艱苦事姑孝謹撫幼孤成立鄉族重之現年五十四

鍾氏楊泰嵩妻夫歿時年十七乃勵志清操艱貞自守足不踰閨闈雖至戚罕見其面卒年四十有七

朱氏楊國萬之妻琴瑟甚篤年廿九夫遽病殞氏哀毀欲絕矢志苦守家愈貧節愈堅孝姑睦妯撫子成立艱苦備嘗數十年如一日卒年六十有一

賴氏楊國芎之妻年廿八歲夫死苦節守至七十一歲

一病而終

鍾氏楊光瓚之妻年二十四歲夫死苦節守至五十六歲一病而終

曾氏謝栢伊妻性淑慎年廿五夫故哀毀幾不欲生翁姑年老遺孤幼穉強起含悲節操自勵數十年如一日五十六歲而終

謝氏傅睦揚妻年廿五夫歿守節敬事翁姑撫孤短折氏繼夫姪必芬次子家桂爲孫以承夫祧年六十二卒

劉氏謝綱蘇妻年十九死閨闈不出守節堅貞孝敬翁姑鄉族重之現年近六旬

劉氏曾甲淮妻溫惠有賢德年廿六歿志節彌堅事翁姑克盡孝敬撫遺腹子教養成立現年六十歲

鍾氏周德仙之妻年廿八歲夫亡守節撫孤現年六十歲

貞女附

明

鸞姑謝學素女幼許配鍾斌斌隨父遠宦客死女誓不再嫁  
獨居四十餘年雖至戚罕見其面

舊志

國朝

李氏湖陂李彥生女名志善姑性端重寡言笑自誓不嫁願  
終身奉養父母獨居一室不御酒肉數十年年至六十而  
卒

長姑張次周女孝事雙親守貞不字年五十卒

烈女

瑞金縣志

卷九

貞女附

八十八

國朝

印姑朱在御女閨姑劉汝傳女年俱及笄丙戌避亂小寨寨  
破二女被執印姑以頭觸石面目俱裂賊怒殺之閨姑亦  
墜潭死

金珠朱世選女年十五銀姑鍾懋選女年十四二人以中表  
之親順治戊子同避亂羅巖小砦時賊攻砦急二女約曰  
吾等可爲賊污乎因攜手共投崖死

貞婦附

楊氏鍾啓暄妻在襁褓時其姑抱養爲媳年未十齡夫卽往  
外不返家貧姑媳以女工餬口後姑憐其處女議媒他適

氏覺泣跪請曰何事獲罪而逐兒耶願死以明志事遂寢  
自是形容憔悴不數載卒疾革時無他語猶以未終養爲  
恨耳

烈婦附

明

劉氏名閏貞生員許宗慶妻嘉靖四十年流賊劫掠宗慶挈  
家避陳石小寨賊攻寨急閏貞泣告其母曰此寨不守吾  
誓不汙於賊不辱其夫時有劉尙卿妻鍾氏許受誥妻鄧  
氏李尙森妻劉氏聞言咸感激淚下越四日寨陷閏貞撫  
幼子幼女慟曰吾無生之日矣但爾輩可憐遂投崖死三

瑞金縣志

卷九

烈婦附

八十九

婦亦從之俱死時年二十四嘉靖四十二年同知鄧元玉  
具申當道奏聞建坊并建貞烈祠祀之

西江志

郭氏名鸞姑謝棟妻嘉靖四十年流賊掠智鄉氏攜子女入  
山中賊搜獲欲汙之氏忿罵不從賊縛同擄者殺而驚之  
氏顏色自若乞死賊不捨曳至江邊氏度不免奮拳擊其  
頭目賊怒殺之互裂其屍事聞旌表

張氏鍾閏鳴妻崇禎甲申流寇猖獗男婦奔竄氏負其五歲  
子逃賊衆追及將逼之氏并其子沈淵死時年三十

何氏名月姑廣昌人年十五爲邑人楊兆年妾順治丙戌隨  
夫避土寇於陳石寨中寨破爲賊所擄氏欲投潭水死賊

覺防繫之同擄婦勸其挽髮且進粥氏曰各行其志奈何以狗彘事勸人賊怒以刀背捶數十血流襟裾詈罵益甚冀速死賊知終不可辱思至汀鬻諸人載之牛車氏佯死至九里嶺潛解縛投崖下死後賊至迂道下塹砍數刀去越三日鄉人下視披髮血漬面猶覺生氣凜然

國朝

歐氏郭在中妻會昌人順治戊子歐歸甯母家城破被擄軍卒欲犯之歐以死拒自度終不免乃密縫其上下衣至葦篷灘躍入急流死

張氏名滿姑李上錫妻錫考選府經歷爲讒人所誣勾致府

瑞金縣志

卷九

烈婦附

九十□

鞫錫適往閩讒人巧計收提張氏氏貧不能爲脫身計不得已辭其姑攜一子及姪婦盧氏登舟至雩都城下覺收提人意不善恐爲所汙伺俟睡熟同姪婦并幼子赴水死次日獲其屍二婦衣俱密紉

贛州府志

酉姑諸生曾彥冲女適朱志耀夫婦生同庚相敬如賓後志耀得失血疾曾日夜籲天願減己算以延夫壽適有日者至曾出夫婦生造令推之曰是二命必相厄無俱全理曾聞之益憂惶私念自死夫當可活遂陰就縊志耀覺命家人防伺之卒仰毒死邑人楊長世爲之傳長汀黎大參愧

曾有詩

贛州府志

廖氏名紅姑毛冠易妻冠易卒廖哭之慟自縊者再屢爲姑救未遂久之或勸其他適謂家貧難忍廖陽諾之舉家喜媒妁來誇新婿年少素封子廖聞之無忤色他日父來廖泣送二里許謂不復得見父矣父誤以其他適作別語不疑歸過夫墳痛哭幾絕鄰婦走止之扶抵家拭淚拜夫靈因攜孤前解破衣如敗葉一一爲之紉補淚下不止曰他日誰爲汝補紉者頃之肩輿至廖閉房作櫛沐更衣狀移時門不啟姑頗疑碎其門則已服毒氣絕僵臥矣雍正五年建坊

### 旌表

瑞金縣志

卷九

烈婦附

九十一

蘇氏玉珠姑楊將綸妻原名時綸結褵一載綸病篤屢目蘇淚下不能出語蘇正色曰疑妾耶君倘不諱與君同穴耳綸尋卒蘇以頭觸柱幾絕家人謹伺之蘇給伺者曰從死之言聊慰夫也吾豈不愛身而輕生哉於是防稍懈竟投繯死

陳氏瑞林寨人夫謝官陵無賴嗜酒賭博娶婦未一月而奩資已盡氏紡績自食時時斷炊氏無怨言夫令走族人乞米有所得輒奪以易酒縱賭賭輸輒逼氏他適會歲除無以爲計木匠某素與官陵狎時時嫚語及其妻因官陵窘甚故露囊中金餌之官陵利其有令就宿於家授意於氏

而自避他所氏亟奔同族諸母家告其事官陵恚甚乃自鬻於甯都某以探親給氏使偕行主人疑之官陵乃以實告氏之行其父初亦疑之既乃至寧都贖氏夫婦還苦無所歸反怨妻父令氏往依之未幾母家又逼令歸官陵蓋冀其改適也氏窮蹙度不能自全抱幼子行至清香潭乳兒令飽置岸側疾走赴潭聞兒急號還摘野花授兒返沈於潭死焉年二十雍正五年三月某日也

朱氏劉興道妻年十七歸劉踰年而夫歿氏俟夫葬畢持祭品同家人往哭其墓指墓傍地曰我死可葬于此家人初不之省既歸入室遂自縊死家人舉其柩合葬以遂其同

瑞金縣志

卷九

烈婦附

九十二

穴之志焉

明

袁氏年十八適陳俊生值明季流寇擄掠隨父母避亂山寨寨破氏被執賊欲汙之厲色以拒罵不絕口賊以兵懼之氏忿詈益甚賊怒殺之

張氏鍾閏鳴妻年三十流寇猖獗男婦奔竄氏負五歲子而逃賊衆追及將逼之氏并其子沉淵死無名氏有詩弔之云眞知名節重如山猝遇豺狼不可干肯把瓊花汗毒霧

漫將玉樹赴狂瀾虔城義士血成碧

謂穀城司李與楊伯祥萬人吉諸公灞

水名姝石作肝丙戌甲申兩載事山飛海立日光寒

國朝

蔡氏陳長政妻年十七于歸明年夫病疫死氏號泣甚哀欲以身徇舅勸止之後母家欲奪其志氏聞之卽服毒死

謝氏年十四歸陳肇憲越二年肇憲病卒氏伏尸哭日夜不絕聲旣葬潛服毒家人偵知進解藥氏拊膺哭曰婦人死夫義也何用生爲卒不救死年十六

劉氏名雪清年十八適曾儀初夫婦相敬如賓事舅姑盡孝嘉慶庚辰夫染疫疾氏朝夕侍湯藥未嘗稍懈面誓之曰病愈則可不愈願與同穴耳後夫竟不起氏痛哭爲夫殯殮旣畢旋溺水死

瑞金縣志

卷九

烈婦附

九十三

劉氏謝邦選妻年十六歸謝二十尙無子時夫染疾垂危氏以死誓夫歿殮甫畢懷利刃自頸死

曾氏太學生陳曉章之元配性貞淑善事翁姑年三十八夫死以不食卒石城教諭宋華國瑞金教諭張瓊英爲立傳

新增

洪氏楊將勳妻迺劉氏三嫂咸豐七年閏五月粵匪竄掠藍玉團與叔姒奔避遇匪同聲厲罵被殺斃命十年學博彙報共祀省垣

張氏楊將燮妻亦於咸豐七年閏五月粵匪竄掠扶婦劉氏遇匪叱罵均遭殺斃咸豐十年學博彙報同祀省垣



劉氏楊將燭之妻夫亡守節咸豐七年閏五月粵匪掠藍玉團氏與媳鍾氏姪媳李氏扶嫂洪氏叔姒張氏奔竄遇匪山池側匪欲犯之氏首叱罵匪怒縱殺媳嫂姒俱斃姪媳急投池死氏傷仆罵不絕聲匪鬻之咸豐十年學博彙報

上憲列祀省垣祠

鍾氏楊愛賢妻卽劉氏之媳同於咸豐七年閏五月粵匪掠至扶姑遁避遭匪詈罵俱被殺十年學博彙報亦祀省垣李氏楊愛瑛妻廼劉氏之姪媳咸豐七年閏五月粵匪突掠至村扶孀與姑暨叔氏兄嫂倉皇奔避遇匪山池側匪豔氏少艾欲犯之氏厲聲忿罵烈甚姑孀投池溺死咸豐十年學博彙報均祀省垣

瑞金縣志

卷九

烈婦附

九十四

廖氏生員鍾艾妻年三十五歲時粵匪擾境氏強負三歲子奔逃匪追及欲犯之氏決不受污任其剖心刳腹而死蒙氏鍾益岫之妻年二十四夫歿無嗣兼處貧乏守貞自矢慮舅族強奪其志殯夫後潛自經房中殉夫以歿鄉族欽其節烈至今憑弔之

彭氏曾承註妻年十九未育夫遭癘疾人勸之他適以爲終身計氏恚甚峻辭斥其言益自敬戒爲註侍巾櫛罔懈嗣註以疾劇餌毒亡氏旋雉經以殉

鍾氏儒童劉克珠妻年三十避寇于鄉之六板橋圍內圍破

被執氏懼受污奪賊佩刀自刎

王氏朱其鈞妻同治三年被賊擄逼姦不從致斃

鍾氏楊家謙妻貢生鍾觀治次女年十四歲咸豐七年四月二十四日避匪東坑大坪頭賊逼投水死

李氏監生楊家梯妻年二十七避寇將軍寨寨破段崖死

陳氏貢生楊家啟妻避髮匪石灰寨聞夫死於賊氏投崖死

楊氏名連弟子庠生楊元扶孫女年十六歲咸豐七年避匪

於早子緝不意賊適至祖及祖母黃氏伯父會裙父監生會衿俱被害女罵不絕口賊欲污之詈忿益甚殺怒殺之

黃氏庠生楊元扶之妻遇賊被害

瑞金縣志

卷九

烈婦附

九十五

鍾氏庠生楊家煥妻年二十六歲咸豐八年八月十八日避髮匪於信義村賊至恐爲所污抱一子一女沉淵死

鍾氏監生楊家標妻咸豐八年九月二十二日避髮匪於黃沙隘賊於五更早突至氏恐爲所辱投河死

鍾氏邱昌謨妻同治三年九月十六日賊夜至執其二子勢將逼污遂自經死

廖氏胡運洪妻咸豐八年九月十三日避粵匪于桃營隘遇匪欲犯之氏叱怒罵匪衆刃之斃

謝氏增生郭青暄妻咸豐丁巳流寇入境二子雲淦雲濬扶母逃避途遇賊二子被害氏罵不絕口賊又刃之氏投水

死奉 部准人祀省垣祠

楊氏武生賴光琪妻咸豐七年四月十八日見夫已賊害抱  
幼子同赴水死

楊氏庠生賴輝瑛妻咸豐七年四月十八日賊底夏塘抱二  
女同赴水死長女拔貢楊元愀之媳次女未嫁名瑞姑子

許氏賴光森之妾咸豐七年四月賊至投水死

賴氏賴光森女嫁與朱姓咸豐七年四月賊至與母投水死

曾氏賴光茂妻咸豐七年四月十八日見賊至抱幼子赴水死

鍾氏賴遜徽妻咸豐七年四月十八日賊逼之罵賊而死

朱氏賴光森妻咸豐八年遇賊欲污之罵賊而死

瑞金縣志

卷九

烈婦附

九十六

曾氏州同賴光環妻同治三年八月初六日避賊於和順寨  
寨破罵賊不絕口同一幼子俱被殺

謝氏賴光璧妻與曾氏同在和順寨死於賊

張氏賴遠鶴妻同治三年八月初九日石灰寨破死於賊

楊氏賴光珍妻同治三年八月初九日蜈蚣寨破死於賊

賴氏歲貢生鄒仁翬妻咸豐八年三月賊入陳石小砦以刀  
傷翬氏見事急賊近奮身投崖死奉 部准入祀省城祠

張氏僧生羅善熾之妻年二十九夫死哀號痛切以頭搶地  
誓不欲生諸婦堅持之不得死乃強起成服親視夫含殮

入房暗吞鉛粉死

鍾氏州同周光灑妻年二十四生一女咸豐七年閏五月十八日粵寇入城氏未及遠避匪突至氏恐被污奔池溺死洪氏鍾名燦之妻素盡婦道咸豐七年四月十八日逆匪蹂躪城鄉氏時年二十七逃避入山賊遇於途欲犯之氏恐污急以剪刀刺喉而死

鍾氏陳自宣之妻貢生鍾會升孫女監生鍾道駒之女同治十年十一月杪髮逆入境至山壩氏年十九歲隨家人奔逃涼繖寨足小荏弱且懷孕未及寨破爲山下賊卒所擄獻賊首黃姓者黃新失偶欲以爲室氏堅執不從但求一死黃亦不逼之使人婉勸強之食水漿不入口將晚呼天

瑞金縣志

卷九

烈婦附

九十七

求速死悲啼至曙賊中司筆札者聞而憫之間其家世答云身姓鍾壬田寨富家女外家數代讀書秀才現數人自幼在外家聞講禮義即知宜守節義勿計生死夫家山壩陳氏亦富室司筆人聞言愈重之勸黃釋放黃利其色不聽且使人旁守防自盡賊隊離館驅氏行氏號哭曰我斷不改志速殺我黃乃殺之司筆者以爲可嘉可悲作佈告貼於路壁語甚詳欲人告外家夫家收殮且欲人將佈告傳鈔以表貞烈此見節義所感雖狐鼠羣中亦有天良勃發者途人以告外家外家收其尸顏如生

李氏謝朝瓊妻夫故多年守節堅貞咸豐八年春逆匪由雩都突竄黃栢村氏被執欲犯之不從罵賊被殺而死

朱氏縣丞謝綱思妻年四十歲咸豐八年春逆匪竄黃栢村未及早避賊近恐受污持刀自刎而死

鍾氏翰林院待詔謝繼徽妻四十歲咸豐八年春逆匪竄黃栢村氏被執賊欲犯之不屈厲罵求速死遂被殺三日後收殮顏如生

楊氏謝綱蘘妻性柔嘉年十六歲咸豐八年春逆匪竄黃栢村倉皇莫措并抱夫兄綱蔥二齡穉子投水賊欲救起自沒而死

方伎

士不必以全材論精一藝者亦足以名家故射御之執聖人猶有取焉若書畫篆刻與文藝尤近漢唐而後士大夫皆優爲之而范文正公復有不能爲良相便爲良醫之語然則岐扁之術亦有濟於世歟瑞邑通其技者數人著之於篇不以其小而忽之而方外之有戒行者亦得附焉

高魁烈字體明少以文無害推擇爲吏授河南沔池南村司巡檢棄不就精心黃帝岐伯之書未嘗求師而視病切脈決人生死試之無不立效先是體明嘗從博士楊維節遊後維節死體明遂杜賓客倦意遊宦單衣幅巾而老于其

瑞金縣志

卷九 方伎

九十八

家生平于書無所不窺又從維節徧交天下名流反覆研究故其爲術精而品高如此後有林斐字中一性喜爲詩亦以醫術名于時頗得高氏之傳

楊兆敬字汝應善畫能書尤精篆籀之學摹刻印章遒逸蒼勁古色斑然如對三代法物長汀黎愧曾攜其印譜以示大梁周亮工亮工深爲許可謂可方何雪漁氏今其印章流傳識者寶之如珙璧云後有諸生楊長榜善書其篆刻印章亦頗得汝應之遺法

劉敕字誕芳國學生少讀書能詩尤畱意繪事所作山水有倪雲林黃子久風格時以畫名家者江右則魏石牀羅飯

牛八大山人江左則王安節吳遠度龔半千敕皆與之交  
故其畫日進而人亦風流醞藉超然物外無世俗鄙瑣之  
態生平遊迹遍歷吳越秦楚所至名公鉅卿爭客之晚年  
乃築室竹岡嘯歌以老

楊于效字及采孝廉方英子生而聰穎讀書畧觀大意不屑  
屑就舉子業好爲詩工聲歌雜藝尤長於書摹刻印章宗  
文三橋氏上及岐陽石鼓岫嶠嶧山諸碑李陽冰韓擇木  
諸家無不窮搜博覽得其神髓行楷初好趙董兩文敏後  
乃泛濫于晉唐宋明諸家而自標一格性豪宕每從諸文  
士爲詩酒之會徜徉山水間意興淋漓笛韻歌聲響徹山  
谷中年妻死無子遂不娶年六十二卒生平所作詩詞不  
自收拾故無存者惟墨蹟印章流傳爲世所珍云于效之  
族有名枝遍字蕃士者讀書工制舉業尤長于詩困童子  
試者數十年後遂棄去而白以意寫蘭竹草蟲樹石之類  
輒工甚每興之所至縱筆揮灑頃刻數十幅凡酒肆僧舍  
郵館茶亭皆其手積所存其人亦曠達不羈無一切齷齪  
態殆徐文長唐子畏一流人也惜生居僻壤無爲之表彰  
者遂至淹沒不傳殊可惜耳

賴淑字耕南幼從塾師習句讀卽穎悟絕倫旣長能詩兼工  
篆籀不樂仕進博觀古人墨跡以意倣之輒爲識者所許

乃縱遊交一時名宿有雲林大癡風得其寸楮者若拱璧  
劉永字映庭能詩善書尤精于繪事青原彭方伯嘗稱之曰  
此生筆力咄咄逼人窮其所至當使石牀飯牛畏後生也  
邱佐周邑之麻布墩人幼讀書困童子試後習岐黃兼善星  
卜得扁鵲倉公術辨聲色審經絡臟腑能定人天壽躡居  
城西求診者咸赴一日囑家人曰昨按吾脈當于明年某  
月日死爾輩記之至期具鷄黍集親舊于庭作竟日談日  
與諸君死別耳迨晚沐浴整衣冠端坐而逝年八十二

新增

賴穀號秋坪少喜作畫見前人絹素輒摹倣黃瘦瓢寓賴氏

瑞金縣志

卷九 方伎

一百

綠漪園往受業遂得筆法後邑侯惲子居先生見其畫賞  
之復以授惲南田渲染之法技愈進晚年尤工巨獅墨龍  
名播遠近得其筆蹟者咸珍藏之

方外附

謝僊翁名寶自號月斜五代周時人住常鄉黃柏村登山採  
樵于池邊見二女弈謝從旁視女食桃以核投地謝取食  
遂不飢弈罷失女所在謝駭而歸家中矣寶已數十年矣  
子孫莫識後入山不知所之里人祠祀之名池曰仙女池  
僧月空南唐保大時人住招召鄉熟五門法明心見性大振  
宗綱後住法樂寺一日跌坐蒲團上語諸徒曰吾塵緣已



盡矣當以龕棲我十日後爾輩宜啓龕而視衆如其言至期啓之異香逼人坐化儼然

松竇和尚名行起字采若本縣人年十四祝髮爲僧壯遊吳越參玉林木陳諸大老後得古南和尚心印悟徹眞如松竇是其自闢山場也怪石森立萬松遮護古南嘗曰松竇雪竇其人其居可以並稱道法旣盛不屑開堂說偈人服其高與本邑謝適楊以叡長汀黎士宏爲方外交刻有松竇志及詩集

閒谷名行一吉安蕭氏子幼業儒長薙髮于虔州壽量寺走天台參玉林禪師目爲法器閉關數年會昌知縣王志鏊瑞金縣志

卷九 方外附

一 百 〇 一

聞其道行延至護生庵登堂示衆曰遍地盡如來不生亦不住鶻眼與龍睛微妙法難覩若涉擬議魔便墮有無句空際月輪高山花啼杜宇嗣遊峨眉五臺遍參知識及老駐錫瑞金南塘年六十四卒

成解字維哲俗姓劉年十三遭亂竄吳越間投虎邱石公祝髮受戒于華山入靈隱謁具德參無根樹子話數日頓悟後得法于華山見月歸瑞始棲龍湖繼居龍山四方緇素翕從提唱宗風法侶大盛于龍山側建普同塔以安四衆又創龍湖龍山寒光芭蕉塘四刹悉舉名宿主之

通柚字懷陸邑南楊氏子幼不茹葷父母因送入東山禪院

祝髮爲僧長通內典旁及儒書喜爲詩日與諸文士遊後  
入贛郡投蓮社庵受戒于奇峰長老歸益堅持梵行焚修  
一室

新增

僧清澗采若法裔也能詩剃度後遊匡廬九華百丈諸蘭若  
居青原山師事湛公和尚修持數十載晚還故山先是松  
竇院宇坍塌田畝蕩廢遂挂簞南塔寺人其室一瓶一鉢  
視塵世蔑如也邑侯惲子居賞其戒行爲之捐俸贖產令  
復歸松竇書怡雲一葉四字贈之